



311059

1

St. Dr. Mag

W. a. 18.



311059

I St. Dr.

V. e. 28.

~~Whist 3044.~~

Vitae
Episcoporum Posnaniensium
per
Joannem Longini siue Dlugossium
conscriptae

Nunc primum auspiciis ... Joannis Tar-
nawski Archiepiscopi Gnesnensis ...
opera Thomae Treteri
cum earundem supplemento in lucem
editae.

Brunsb ergae
typis Georgii Schoenfels
1604.



VITÆ
EPISCOPORVM
POSNANIENSIVM.

Per IOANNEM LONGINI,
sive DLVGOSIVM Canonicum
Cracouiensem conscripta,

Nunc primum, auspicijs ILLVSTRIS-
SIMI & REVERENDISSIMI Dñi,
D. IOANNIS TARNAVSKI, Archiepiscopi
GNESNENSIS, & Regni Polonię
PRIMATIS, &c.

Opera THOMAE TRETERI,
Castodis & Canonici Varmiensis, S. R. M. Secretarij,
cum earundem SVPPLEMENTO
in lucem edita.

ANNO DOMINI. M. DC. IV.


BRVNSBERGÆ.

Typis Georgij Schönfels.

Cum Privilegio S. R. M.

311059

T. St. Dmili



^{mo} ILLVSTRIS: & REVERENDIS: in
CHRISTO Patri & Domino,

D. IOANNI TARNAVVSKI,
D. G. Archiepiscopo Gnesnenfi:
Legato Nato, Regni POLONIÆ
PRIMATI & Primo PRIN-
CIPi, &c.

THOMAS TRETERVS, *Custos & Canonicus Varmien.*

S. D.



VLTA sunt, Illustris: & Reuerendis: in
Christo Pater & Dñe, in Diuinis Christia-
næ legis voluminibus loca, è quibus Ca-
tholicæ & Apostolicæ Ecclesiæ maiestas
& amplitudo, non ita magno negotio de-
duci potest: nullus tamen ad præsens institutum nostrum
magis facere videtur, quàm ille, vbi Spiritus Sanctus Ec-
clesiam sub specie Sponsæ alloquens, suauem illam & de-
coram, sicut Ierusalem; terribilem, vt Castrorum aciem
ordinatam, esse commemorat. Quid enim magis suaue,
decorum, & admiratione dignum, in hac ab æterno de-
signata & Christo dilecta sponsa, videri postest; quàm si

A 2

in mili-

in militia hac, quæ contra spirituales & temporales nequities assidue dimicat, internæ pacis, ac publicæ vnitatis bono deuincta, instar cœlestis illius Ierusalem, quæ visione pacis definitur, assidue resplendeat? Quid magis ad terrendos & profligandos illius hostes expeditum: quàm si indissolubili Christianæ charitatis vinculo colligata, cōtra quorumuis inimicorum insultus, veluti castrorum acies ordinata, ad fortiter pro diuini honoris gloria decerandū, cum primis parata & expedita consistat? Et in castris quidem, ex militari præscripto, summus Imperator suos Tribunos, Centuriones, & diuersorum munerum specie distinctos administratos, habeat necesse est, ni confusionem aliquam, cum magno publicæ rei periculo coniunctam, in exercitum velit inductam. Ad eundem modū in hac visibili & militanti Ecclesia, Christus Dominus humanæ salutis summus Imperator, Petro Apostolo Vicario in terris constituto, per eum & successores eius, legitimè ab eo descendentes, perpetua serie disponit & ordinat, Archiepiscopos, Episcopos, Præsbyteros, ceterosq; sacrorum ministros, qui per vniuersum terrarum orbem, populos suæ fidei commissos, vigilantia cura & sollicitudine regant, & aduersus quosuis errores, & infernalium potestatum impetus, in fide Catholica vnanimè perseverantes, tueantur & contineant. Hinc manifestè apparet, Ecclesiam sine pastorib; & Episcopis consistere non posse: vt verissimè scriptum sit à glorioso Martyre & Episcopo Cypriano; Ecclesiam esse plebem sacerdoti adunatam, & pastori suo gregem adhaerentem. Episcopum in Eccle-


Ecclesia esse, & Ecclesiam in Episcopo. Veros autem Episcopos illos tantū in Ecclesia habitos fuisse, qui ab Apostolis & Apostolicis viris per legitimam vocationē & ordinationem descendebant, euidentius est, quàm vt longiore aliqua probatione indigeat. Nam vt in veteri Testamento soli pro Dei populo censebantur, qui à duodecim filiis Iacob, per carnalem generationem descendebant; soli sacerdotes habebantur, qui à Leui per Aaronē proueniebant: ita in noua lege, nulli sunt Christiani, nisi qui per Apostolos, aut ab illis missos conuersi sunt; nulli Episcopi, nisi qui à Petro designati, sibi ordinatè succedunt. Hinc in omnibus totius orbis Ecclesijs, vbi Catholica viget religio, à primis earum institutionibus, Episcoporum nomina & successiones accuratè descriptas, & quandoq; depictas, veneranda conseruat antiquitas: vt ad reddendam fidei rationem, cuiuslibet facilius via pateat, quam per manus Apostolicorum Sacerdotum, illi Regno vel Prouinciæ traditam, Episcopos legitimè succedentes seruare ac profiteri videt. Hac pia & vtili consideratione ductus, antiquæ probitatis vir Ioannes Dlugossius Canonicus Cracouiensis, ante centum & viginti annos, laborem Ecclesiæ cum primis vtilem suscepit, Cathalogumq; omnium Episcoporum, qui per omnes Regni Poloniæ Cathedras, populo DEI præfuerunt, ab ipsa cuiusque foundatione, ad sua vsq; tempora contexuit, stylo quidem, vt illa ferebat ætas, simplici (quem in aliquo mutare mihi relligio fuit) verū falsitatis & fuci prorsus experte: cui gentilitia etiam cuiusque Episcopi, quantum ex antiquitate erui poterat, insignia adiecit. Hunc librum autogra-

phum, manu ipsius auctoris, ex magna parte, scriptum & correctum, cum ante annos plus minus viginti, Reuerendis. Dñs Martinus Cromerus, sanctæ memoriæ Varmienſis Episcopus, mihi pro insigni munere donasset, pro veteri suo erga patriam studio, quam doctissimis scriptis plurimum illustravit, hortabatur, vias ut omnes perquirerem, quibus liber hic suo tempore in lucem edi posset. Cuius viri auctoritas, quamuis altius animo meo insedisſet, meq; ad subeundum laborem hunc acrius inflammaret, Romæ tamen degens, aggredi opus non potui: quod à Dlugosij temporibus, Episcoporum, qui in quaq; Ecclesia succedebant, Vitas, ad manus non habebam. In patriam tandem post annos plures reuersus, & apud Ecclesiam hanc Varmienſem, sedem figens, cogitationem suscepſtam prosequendam ratus, ab Episcopis Ciuitatis Poſnaniensis, quæ patria mea est, initium faciendum putavi: quod & altrici meæ plurimum deberem, & quod memoriam Pontificum suorum, quam in aula Lubranſciana olim depictam, relatione maiorum acceperam, nullam amplius exſtare viderem. Cum autem tu, Illustrissime Domine, sub illud ipsum tempus Poſnaniensis Episcopus renunciatus eſſes, huius libelli specimen quoddam ad te mittendum curavi: quo viſo non ſolum labor hic qualifcunque meus tibi non displicuit; ſed etiam, ut in lucem prodiret hortari, & ſumptus ad eam rem neceſſarios, alacriter ſuppeditare dignatus es. Dumq; editio apparatur, te iam ad Eccleſiã Vladiflauienſem translato, peſtis contagio Pruſſiam inuaſit: propter quam hinc inde diſperſi, deſtinatum ad te munus mittere non potuimus. Sed nec

hoc

hoc planè infelicitè accidit, occulta quadam, ut arbitror, Dei ordinatione: ut quod tibi Episcopo pridem debebatur, nunc Archiepiſcopo & Regni Polonię Primati, abſolutum repræſentaretur; tantò meliore ſucceſſu, quantò illuſtrioribus gloriæ Titulis, tua præſtantiffima virtus, reſplendet ac condecoratur. Iure igitur Poſnanienses Episcopi, corã te Metropolitanò ſuo, hoc tempore comparent, quo tu ad Eccleſiæ tuæ Gneſnenſis limina, Diui Adalberti Martyris, & Polonorũ Apoſtoli, tumulo conſecrata, ſolemni cæremonia venerabundus accedis. Tibi tanquã vicino congratulantur, te fauſtis ominibus proſequuntur, omniumq; conſiliorum & laborum, quos pro Eccleſiæ Reipublicæq; ſalute ſuſcepturus es, optatos exitus precantur. Tu verò, Archipræſul Illuſtriſſime, libellum hunc, lectu non iniucundum, quem ampliſſimo tuo nomini dedico, in tutelamq; ac patrociniũ trado, benigna fronte, tanquam pign' perpetuę meę erga te obſeruantię, clementer accipe: contra obtreſcatorum, ſi quĩ erunt, vocolas, auctoritate tua defende: meq; ipſum gratia beneuolentięque tua complectere: quem ad alia quoque præſtanda, quæ ab ingenij mei tenuitate proficiſci poterunt, tantò alacriorem reddideris, quantò gratiorem qualemcunq; hanc operam meam, tuæ Amplitudini accidifſe cognouero. Deus Opt. M. Illuſtriſſimam & Reuerendiſſimam D. Tuam, diutiſſimè ſeruet incolumem: ut Eccleſiæ & Reipub. longum præeſſe & prodeſſe valeas. Datum apud Eccleſiam Varmienſem Calendis Aprilis, Anno Domini, M. DC. IV.

VITÆ



VITÆ
EPISCOPORVM
POSNANIEN.

PER
IOAN. LONGINI CANON.
CRACOVIEŃ. CONSCRIPTÆ.

P R Æ F A T I O.



EVERENDO IN CHRISTO PA-
tri, Domino Andreæ de Bnino, Dei
gratia Episcopo Posnaniensi, Do-
mino colendissimo, Ioannes Lon-
gini Canonicus Cracoviensis, post
administrationem Pontificatus terreni, in Pontifi-
catum cælestem transferri.

VARIIS curis & frequentibus occupationi-
bus publicis & privatis me distinentibus, Reue-
rende Pater: libelli, quem de Pontificibus Posna-
niens.

A

nien.

niē. Ecclesiæ, cui Diuino munere, lustris propè
iam septem, præsidēs, edere animus gestiebat, cu-
ram abieceram. Sub anno autem præsentī, post-
quam propitiatione Diuina, melior mihi refusus
est vigor, schedis, quas dudum scripseram, & con-
sumptas aut abolitas esse credideram, conquisitis,
libellum præfatum, ad illustrandum Posnaniensis
Ecclesiæ ortum, originem & progressum, succes-
sionesque Pontificum, eorumque genus, conditio-
nem & meritum, qua scrupulosiori cura poteram,
contextui: & umbras obliteratorum iam, & am-
plius, nisi illis beneficio scripturæ subuentum fo-
ret, obliteratorum Præsulum, in lucem præsen-
tium & posterorum vindicaui: ut in notitia versa-
rentur hominum, pro quorum quondam salute
excubârunt, operum suorum, quæ vel rectè vel
prauè egerant, cognitionem apud mortales, pro
eorum ædificatione aut cautela, habituri. Pluri-
mum enim interest, Episcoporum & magnorum
virorum actiones virtuosas & nefarias scriptis
mandare; ut & succedentes boni, propagaturi sibi
nomen nobile, trahantur ad meritoria; & reprobi
ignominia aliqua, etiam post fata cauteriandi, ar-
ceantur à culpa. Cœpit autem Posnaniensis Ec-
clesiæ origo, à Boleslao Chabri primo Poloniæ
Rege, & parente suo Myeczislauo Polonorum
Principe & Monarcha: qui Polonorum genus,
supersti-

superstitione falsorum Deorum deposita, ad puri-
tatē fidei Catholicæ, Anno gratiæ Noningētelimo
Sexagesimo sexto, primus conduxit: cui tantus fi-
dei & religionis Christianæ dilatandæ fulgor fer-
uorque illuxit, ut quàmprimum fidei Orthodoxæ
initiatuſ est lumine, duas Archiepiscopales, Gneſ-
nensem videlicet & Cracouiensem; septem verò
Episcopales in Regno suo Polonico, videlicet,
Vradislauiē. Wladislauiē. Posnaniē. Plocē.
Lubucē. Chelmenē. & Camyeneē sub vno eodē
tempore cōdiderit, crexerit, fundauerit, doteque lar-
ga, munifica, crassa, & perpetua dotauerit: termi-
nosque Diœcesum præfatarum, per fluuios & si-
gna distinxerit. Inter quas cum & Pontificatum,
Diœcesimque, & Ecclesiam Posnaniē. fundasset,
illamque Principi Apostolorum Petro dicasset, in
loco amœno, vberi, & fructuoso, in Ciuitate quo-
que populosa, quæ à Metropolitanis parum differe-
bat, & ad flumen Wartha, quod inter septem
flumina principalia Poloniæ censetur, non mini-
mum prouida ordinatione constituit: atque illam
fundare & dotare non contentus, etiam & vasa,
aurea, argentea, vestesque illustres & nobiles, auro,
& ostro intextas pro honorificentia Pontificali, &
sua munificentia Regali, ceteraque clenodia & ossa
sacra, atque cumnilia attribuit. Quam tanta vene-
ratione & amore coluit, ut Myeczislaus senex mo-
riens

riens Boleslao Chabri filio suo in Ecclesia Posna-
nieñ. locum monstraui, quo condi vellet: ibiq;
non solum sua, sed & filij sui Boleslai Chabri Re-
gis primi, cæterorumque succedentium sibi Ne-
potum Poloniæ Regum ossa, condebantur, vsque
ad tempora Wladislai primi, Poloniæ Regis Lok-
tek cognominati, qui gloriosius credidit in Cra-
couieñ. Ecclesia funiculos splendoris sui iam
tunc dilatare; nec ipse solus sed & filius suus Ka-
zimirus Secundus, quàm in Posnanienſi sepeliri.
Contulit tamen, & ipse Kazimirus Secundus Po-
loniæ Rex, in busta priscorum Regum Poloniæ,
ex quorum sanguine satus erat, in Posnanienſem
Ecclesiam pleraſq; munificentias & decora. Nam
& Sarcophagos Regum humiles & solo æqua-
tos, pretiosa mole superimposita erexit: delitelcē-
tesq; vmbras, ne in perpetuam reinciderent obli-
uionem, vindicatas illustrauit: & Ponsnanieñ. Ec-
clesiæ, vasa aurea & argentea dono reliquit. Ge-
stiebat autem animus meus in scribendis Episco-
porum Posnanieñ. Epitaphijs stylum extendere,
aut in laudem aut in sugillationem, sed penuria
scribentium, ferè omnis vitæ actio & conuersatio
veterum Pontificum, & obruta & obscurata est:
quorum nomen, genus, & originem non nisi per
verisimilem coniecturam poteram æstimare. Po-
sui & te, Pater Reuerendissime, in ora omnium:
virtutes


virtutes quoq; tuas nonnullas, sed & defectus ce-
cini, ampliùs superstes si fuero, virtuosas actiones
tuas, ne nunc assentator magis quàm fidelis auctor
videar, post fata tua enixiùs deprompturus. Tuam
tamen Paternitatem oro & obtestor, vt in hac tua
iam occidua ætate, omnes actiones tuas ad mo-
rem finis componas. Reflecte à fratribus consan-
guineis, & nepotulis, nisi virtuosi fortè & merito-
rij forent, affectionis oculum: quorum ditatio etiã
te viuente mœrorem subministrat. Electas in Ec-
clesiis tibi creditis constitue personas; & dum late-
res concederint, quadris lapidibus ædifica. Sicco-
moris verò corruentibus, cedros planta clarissi-
me Pontificum, post gratiam, non mortalis, sed
Pontificis æterni adepturus. Id insuper inprimis
obserua & studiosè cura, vt Ecclesiæ tuæ statum,
magis quàm tuum, misertus, de bono successore
cogites: neque censeas dilectam sponsam tuam,
cum qua tam concorditer septem lustra vixisti,
etiam in mortis limine deferendam. Libellum
autem præsentem tuæ Paternitatis dedicaui nomi-
ni, celebratiùs illum ad posteros transmissurus:
cuius si stylū non probaueris, materiam non dam-
nabis. Dabis autem vernaculo tuo veniam, si
quid in præsentis opere deprehendes, quod linceos
tuæ Paternitatis oculos in offensionem pertraxe-
rit. Neque enim is sum, vt absque labe & errore,

in mortali corpore degens, singulas offensiones
& lapsus euitare potuerim. Tuum erit, Pater co-
lendissime, & errata rescindere, & lapsus erigere,
& singulos defectus supplere. Non abnuo liqui-
dem neque inficior, plura me pro conditione fra-
gili & ingenij tarditate, languidè, abscisè, aridè,
& inconcinne transcripsisse. Quapropter opuscu-
lum præsens, & tuæ Paternitatis, & cuiuslibet al-
terius, prudentia & doctrina magis imbuti, corre-
ctioni & emendationi subijcio, facilius ab alijs
probandum, si à tua Paternitate in locis forsitan
abruptis, viciatis, & scabrosis, fuerit suppletum,
tersum, & limatum. Quam incolumem & mei
memorè conseruet altissimus feliciter & longeuè.
Datum in Lublin, die Mercurij Vicesima secun-
da Mensis Februarij. Anno ab Ortu Christi,
Millesimo, Quadringentesimo, Septua-
gesimo Quinto.



I O R.

I O R D A N V S.



Atholica fide & religione Polonorum
regnum & gentem, dispulsa gentilitatis
tenebra, illustrante, inter nouem Ca-
thedrales Ecclesias, pro quantitate gentis & regni,
à Myeczislavvo Patre & Boleslao filio eius, prin-
cipibus Poloniae fundatas dotatasque, Polnanien-
sis Ciuitas ad fluuium Vartha sita, digna visa est,
quæ

quæ Pontificali honore atq; dignitate insigniretur. Fundata itaq; illic cathedrali Ecclesia, & B. Petro Apostolorum Principi dicata atque titulata, Romanus Pontifex Stephanus Papa Septimus, à quo non solum tot Ecclesiarum Cathedralium confirmatio, verum etiã personarum dignarum, postquam nemo ex Polonis ea tempestate neophitis, idoneus sacerdotio reperiabatur, prouisio, nominatio, & ordinatio petebantur, virum probatæ sibi virtutis, religionis, & fidei, Iordanum natione Italicum, genere nobilem & Romanum, qui ex familia & domo Vrsinorum ducebat genus, ad Ecclesiam Posnaniens. pronunciauit & instituit, eoq; Romæ consecrato & benedicto, ad Poloniæ Regnum ad regendum Posnaniens. Ecclesiam Anno Natiuitatis Redemptoris nostri, Noningentesimo, Sexagesimo Sexto ire iussit: per quem idem Summus Pontifex Stephanus, quò primitiæ aduentus sui, clero Posnaniens. & populo gratiores forent, gladium Beati Petri, quo in abscindenda Malchi auricula, in montis Oliueti horto, usus fuisse Apostolus creditur, siue hunc siue alium in memoriam tam famosi Apostolici operis, surrogatum & benedictum transmittit; ut haberet Posnaniens. Ecclesia notarium clenodiũ, quo se à Vicario Christi & Petri successore, in Beatissimi Petri decus nomen & titulum gloriaretur & dica-

& dicatam & insignitam. Qui quidem gladius in Ecclesia Posnaniens. etiam in diem hanc studiosa colitur veneratione. Cum autem Iordanus ipse Episcopus, ad sedem suam Posnaniensem venisset, à Clero & populo fauore singulari exceptus est: & omnis illi honos exhibitus est à principibus Regni & Satrapis. Erat autem Iordanus ipse vir mitis, amplitudinem fidei, & salutem sui gregis zelans, in conspectu Principum & populi gratiofus: qui cum annis vno & triginta sedisset, tandem bonis operibus plenus, Anno Domini Millesimo Primo, apud Posnaniam diem obiit, in Ecclesia quoque Posnaniens., iusto honore funeri expleto, tumulatus. Alijs placet, illum non in Posnania, sed in Brandenburg sepultum fuisse.




T I M O T H E V S.



Assumpto pro conditione mortalitatis humanæ, Iordano Posnaniens. Episcopo, qui primus in Posnaniens. Ecclesia pettulum Pontificale gessit, Timotheus primus ad Pontificatum Posnaniensem per summum Pontificem Benedictum Papam septimũ Anno Domini Millesimo secundo suffectus est: natione & ipse Romanus

manus, genere nobilis, sed virtute & doctrina nobilior; Polonici tamen idiomatis ignarus. ob quem defectum in Diæcesis suæ populo non poterat tantum quantum gestiebat plantare profectum.



Etum. Per alios tamen sacerdotes & viros Ecclesiasticos Polonici idiomatis gnaros & peritos, sollicito studio administrabat Episcopatum, & singulas caerimonias atque carismata implebat, vir pudicus & continens, vitæ quoque & conuersationis exem-


emplaris. Hic cum annis decem & octo Posnaniens. Ecclesiam rexisset, in morbum incidit: qui cum illum aliquanto tempore grauasset, tandem ægritudine assidue inualecente, Anno Domini Millesimo Vicesimo moritur, & in Ecclesia Posnaniens. tumulatus, accepit sepulturam.



PAVLINVS.

IN locum Timothei Posnaniens. Ecclesie Episcopi, dum successor idoneus pro regenda ipsa Ecclesia quæreretur, & à Summo Pontifice Bonifacio Papa VII. per nuncios & litteras Boleslai ea tempestate Poloniae Regis peteretur: Paulinus Canonicus Sancti Petri de Vrbe, dignus visus est, qui Timotheo substitueretur. Nuncijs itaque Boleslai Poloniae Regis & Posnaniens. Ecclesie in illum consentientibus, Anno Domini Millesimo Vicesimo primo, in Posnaniensem pronuntiatur Episcopum, & de mandato Pontificis Maximi in Episcopum Romæ consecratur. Vir ex familia nobili, & ex proceribus, parentibusque Italicis ortus, in Diuinis litteris apprimè eruditus, suauis & placidos mores redolens, patientiam seruans in aduersis. Is cum in Poloniae Regnum cum


litteris Apostolicis diuertisset, primū se Boleslao
Poloniæ Regi præsentauit; à quo comiter & ex-
ceptus & habitus est: apud cuius curiam aliquot
diebus immoratus, datis comitibus ad Posnaniē.



Ecclesiam perductus, & à Clero & à populo ho-
nорificè susceptus est: rexitque Posnaniē. Eccle-
siam piē, prudenter, & studiosē annis quindecim.
Anno deinde Millesimo Trigesimo quinto, post
diuturnam valetudinem febrilem, superante mor-
bo remedia, obdormiuit in Domino, Et in Eccle-
sia Posnaniē. Pontificali honore sepultus est.

BENE.

B E N E D I C T V S.



Post mortem Paulini Posnaniē. Episco-
pi, sedes Posnaniē. integro ferē vacauit
biennio, quoniam & clerus Posnaniē.
in sufficiendo Episcopo segnior fuit, & in Regno
Poloniæ Rex deerat, & Casimiro filio regio cum
genitrice Rixa exulare coactō, Interregnum du-
rabat. Postquam verō vacatio ipsius Ecclesię am-
plius


B 3

plius

plus nec differri, nec tergiuersari potuit ; propter necessitudinem clero & populo incumbente, Poloniae Senatus à Clero Posnaniens, frequenter interpellatus, quoniam, Rege tunc regnum carebat, missis nuncijs & litteris Romanum Pontificem Benedictum Papam Octauum de surroganda persona ad Posnaniens. Ecclesiam sollicitat. Summus verò Pontifex Benedictus Octauus molestè ferens praefatae Ecclesiae vacationem, Benedictum natione Siculum, ex Neapoli ortum, Anno Domini Millesimo, trigesimo septimo, ad Posnaniens. promouit Ecclesiam. Erat enim in conspectu Summi Pontificis & Cardinalium graciosus, & opinione celebris habebatur. Fulgebat insuper in eo pudicitiae bonum, quo illum gratiorem fieri Polonorum genti singuli aestimabant. Hic ad Posnaniensem accedens Ecclesiam, honore Processionis à clero & populo exceptus est. Plura, quae sub Ecclesiae vacatione aut corrupta aut neglecta fuerant, correxit & restaurauit. Post annos autem undecim, quibus ipsam regebat Ecclesiam, Anno Domini Millesimo quadragesimo octauo, fato subtractus est, & in Posnaniens. Ecclesia humatus, quarto Idus Decembris.


MAR.

MARCELLVS.



Acanti Posnaniens. Ecclesiae ex morte Benedicti Pontificis sui immediati, Romanus Pontifex Ioannes Papa XX. à Casimiro Poloniae Rege rogatus, dignum Pontificem prouisurus, ad Marcellum Apostolici Palatii Auditorem, Decretorum Doctorem, famosum & insignem pro eo tempore Iurisperitum, dirigens considerationem & respectum, ipsum Año M. XLVIII. Posna-


Posnaniens. Ecclesiæ præficit in Episcopum & pastorem. Hic natione Romanus, nobilis genere, ex familia & domo veteri Marcellorum ortum ducens, moribus etiam conspicuus, & in virtutibus doctrinaque vir splendidus, & admirandus. Qui cum in cæteris dotibus Pontifice dignis copiosus esset & abundans, facundiæ tamen & sermonis Polonici expers prorsus & indigus erat. Quo non obstante, multa per se in rebus Pontificalibus, interpretibus utendo; cætera per Vicarios, Officiales & Archidiaconos administrabat. Exactis autem in Pontificatu Posnaniens. decem & septem annis, scabiem incurrens, & illam aliquanto tempore perferens, omnibus Sacramentis ritè & deuotè perfunctus, Anno Dñi M. LXV. moritur, & in Ecclesia Posnaniens. sepelitur.



THEODORVS.

NE Posnaniensis Ecclesiæ vacatio ex morte Marcelli Primi sequuta, dispendiosa ipsi Ecclesiæ foret, Boleslaus Poloniae Rex missis nuncijs & litteris ad Curiam ad Nicolaum Papam II. prouideri Ecclesiæ Posnaniens. petijt, de Episcopo idoneo & pastore. Summus autē Pon-

Pontifex Nicolaus præfatus, licet frequentes & notabiles viri per se & Cardinales instarent, omni-



bus tamen neglectis & prætermisissis Theodorum Canonicum S. Mariæ Maioris, Iurisperitum Canonici & Civilis iuris Anno Dñi M. LXV. præficit in Episcopum & pastorem, virum etsi non genere, virtute tamen nobilem, natione Italum & indolis egregiæ, & ingenij singularis, àm principit quàm clero & populo ob suos modestos mores
C charum.

charum. Qui clerum suum verbo pariter & exemplo ædificabat. Rigidus in scelera cleri animaduersor, & substantiæ Ecclesiasticæ prouidus dispensator. Hic cùm Ecclesiam Posnaniensem. Annis duobus & viginti rexisset, febrim tertianā longo tempore, lento tamen dolore perferens, tandem Anno Domini M. LXXXVII. vita excessit, omnibus rebus suis, quas quæsierat, ritè aut in Ecclesias aut in egenos, pupillos, & viduas distributis, viaticoque sacro & alijs Sacramentis procuratus. Quo in Ecclesia Posnaniensi condito, iusta etiam illi sunt in eadem Ecclesia perfoluta. Huius autem nominis appellationem Polonorum proceres imitati, filios suos, fratres & propinquos eo nomine Theodoros in Baptismate insigniebāt. Verùm cùm illud congruè exprimere & in Polonico vulgari sonare non possent, pro Theodoro corrupto vocabulo, Ceder nuncupant in diem hodiernam.




D I O N Y S I V S.




Theodoro Posnaniensi. Episcopo mortuo, de substitutione noui Pontificis longa fuit concertatio & difficultas inter Prælatos

latos, Canonicos Posnaniens. clerumque & Summum Pontificem, suborta. Nam Prælati, Canonici




ci & Clerus Posnaniens. vnum ex se præfici in Episcopum expetebant: quibus & Boleslaus hæres, dux, & Monarcha Regni Poloniae multipliciter fauebat, & eorum propositum omni suo conatu & studio adiuuabat. Summus autem Pontifex iure suo diuturno & continuato vti volebat. Tandem post plures altercationes, iuxta Papæ ordinationem

tionem & beneplacitum, Dionysius Canonicus S. Petri, à Summo Pontifice Urbano Papa II. Anno Domini M, LXXXVIII. prouisus est. Vir Italici sanguinis & generis, Græcæ linguæ peritus, in studijs quoque & litteris Diuinis & humanis singulariter callens. Spectatæ insuper religionis & deuotionis vir; qui Ecclesiæ facultates & prouentus in pauperum & egenorum visceribus recondere solebat. Qui cùm regimini Posnaniens. Ecclesiæ Annis duobus de viginti præsedisset, tandem Anno Domini M. C. VI. morbo colicæ & dolore intestinorum, aliquanto tempore vexatus, ordinata domo sua, vti religioso Pontifici dignum erat, ad horam mortis perueniens diem obiit: & post funeras Catholico more expletas in Posnaniens. Ecclesia sepultus est. Hoc quoque vocabulum Dionysius, Polonorum nobilitas suis liberis & cognatis indere consuevit. Sed non valens exprimere illud congrè, Dziwviſum pro Dionysio appellat.




L A V R E N T I V S.



Molestè ferentes Prælati & Canonici totusque Clerus Posnaniensis prouisionem Eccle-

Ecclesiæ Posnaniens. ex arbitrio & dispositione Summi Pontificis pendere, & ignotos exterosque




sibi præferri, præsertim cùm iam inter Prælatos & Canonicos Posnanienses reperiiebantur nonnulli, qui ad sustinendum Pontificale onus idonei videbantur; offende batur & Clerus populusque; quòd cum Pontifice suo, proprio & patrio idiomate proprias nesciret, & non nisi per interpretes explicaret necessitates. Graubat insuper eos & missio

nunciorum in Urbem, & sumptus pro litteris ceterisque oneribus expendendi. Itaque post mortem Dionisij, precauendo sibi in futurum de forensi Episcopo, Laurentium Præpositum Posnaniensem eligunt concorditer in pastorem. Hic natione Polonus erat, de humili stirpe procreatus agrestium; virtus tamen & vita probè acta illum nobilitabat. Cuius electionem Martinus Gnesnensis Archiepiscopus per electum & electores præsentatam sibi Gnesnæ, sollicitatus etiam litteris Boleslai tunc Poloniae Monarchæ Anno Domini M. C. VI. confirmavit: & præfatum Laurentium in diebus subsequens in Gnesnensibus Ecclesiis consecrauit & benedixit. Qui Cathedræ Posnaniensi Annis vno & viginti præsidens laudabiliter illam rexit & administrauit, catholicis moribus & ritibus clerum suum imbuens, & sacrilegos mores atque ritus, qui nondum in populo Polonico emortui fuerant, exterminans & destruens. Qui tandem grandævus, ævo & senio confectus, Anno Domini M. C. XXVII. sacramentis omnibus viaticatus, moritur; & in Ecclesia Posnaniensi sepelitur.



MAR-


M A R T I N V S.



MAiori zelo fermentiori; fiducia Prælati & Canonici Posnanienses freti, ad electionem futuri Pontificis, morte Laurentij Episcopi sequuta processerunt, postquam illis electio eorum prima, de Laurentio superioribus Annis facta, pro voto cesserat, nullo impedimento Apostolico, aut Curia Romanæ, ingesto. Itaque comitiorum diem dum instituissent, & fre-


& frequentes ad illam conuenissent, Martinum Decanum Posnaniē. concorditer in Episcopum Posnaniē. assumunt & eligunt. Cuius electionē, comperto per diligens examen, quod legitima Canonica, & vniformis foret, Iacobus Primus Archiepiscopus Gnesnē. post consensum Boleslai Poloniæ Monarchæ, per electum & Capitulum Posnaniē. obtentum, litteris etiam eiusdem Principis interpellatus, apud Lancitiam confirmat, & Martinum electum ad ordinem Pontificalem Anno Domini M. C. XXVIII. benedicit & consecrat. Hic Martinus ex genere obscuro ortus, Polonus natione, propensior in doctrina & virtute, inter Prælatos & Canonicos Posnaniē. habebatur, ob quæ decora, Pontificatus Posnaniensis illi, cæteris neglectis, fuit mandatus. In coleram tamen, quàm Pontifici conueniret, fuit procliuior. Hic dum Ecclesiam Posnaniensem Annis decem & nouem administrasset, scabiem aliquanto tempore passus, in diem extremum perueniens, carne solutus est, Anno Domini, M. C. XLVII.

& in choro Ecclesiæ Posnaniensis tumulatus.




BOGV-

BOGVPHALVS.



Bontificem Posnaniensi Ecclesiæ, ex morte Martini Primi vacanti, prouisuri Prælati & Canonici Posnanienses, Capitulo generali indicto, apud Posnaniam conueniunt: in quo votis singulorum examinatis, Boguphalum Custodem Posnaniensem ex votorum pluralitate eligunt, & assumunt virum exemplarem, & in egenos liberalem, sed grandæuum, atque

tis & valetudinis iam languidæ & contractæ, Polonum natione, genere Nobilem de domo & familia Rosarum, primusque hic fuit, qui ex nobilitate Polonica assumptus in culmen Posnaniensis Ecclesiæ, rexit illam. Præerat tunc summæ rerum apud Polonos Myeczslaus Poloniae Princeps: qui pro consensu per Electum & Capitulares rogatus, aliquamdiu restitit: ad extremum precibus & Ecclesiasticorum & secularium fatigatus, consensum dedit, & Iacobus Gnesnensis tunc Metropolitanus electionem ipsam Anno Domini M. C. XLVIII. apud Zneinam Canonicâ reperiens confirmavit & præfatû Boguphalum electû, in Posnaniens. Ecclesiæ Episcopum præfecit & consecrauit & benedixit. Hic cum ânos duos, menses sex sedisset, senio incertum est, confectus an morbo, Anno Domini, M. C. L. moritur, & in Ecclesia Posnaniens. sepelitur.



P I A N V S.




Anonum beneficio, & Sanctorum Patrum, Prælati & Canonici Posnanienses vsuri decreto, dum ad constitutam electionis diem, pro futuro Posnaniensi Episcopo eligendo, conuenissent, & monstrosam electio-

electionem (quidam Thomam, alij Philippum Canonicos Posnanienses eligendo) celebrassent; Summus Pontifex Eugenius Papa Tertius, in tan-



ta diversitate & discordia eligentium, suo & ipse iure vsurus, Pyanum auditorem Palatii, Decretorum Doctore, inter cæteros Auditores sibi charû, Posnaniens. Ecclesiæ Anno Dñi M. C. L. præficit in Episcopum & pastorem: virum Italici generis, & ex familia nobili ortum: qui ab Episcopo Cardinali Ostiensi consecratus, in Poloniam veniens,


Posnaniensis Ecclesiæ possessionem adeptus est, Boleslao Poloniæ tunc Monarcha, ordinationem suam ferentē magis quā probante. Prouisioni enim Summi Pontificis, & litteris pro præfato Pyano Episcopo, quas scribebat, commendatitijs refragari se non posse intelligebat. Hic cū annū vnum, Menses sex sedisset, aëris intemperiem suæ naturæ disconuenientem non sustinens, in morbum incidens, Anno Domini M. C. LI. rebus humanis exemptus est, & in Posnaniē. Ecclesia iusto honore sepelitur.



S T E P H A N V S.

PYani Episcopi Posnaniē. mors licet immatura & intempestiua fuerit, omnibus tamen Polonis, & præsertim Prælati & Canonicis Posnaniē. cessit in gratum: qui molestē ferebant Posnaniensis Ecclesiæ prouisionem Polonici generis hominibus abstractam & ad Italos reuolutā esse. Itaque festinantius quā conueniebat tantæ rei, Capitulo generali ad substituendum nouum Posnaniensem Pontificem indicto, votis examinatis singulorum, Stephanum Canonicum Posnaniē. paucis contradicentibus eligunt: cuius electioni con-


contradictores à cæteris persuasi consentiunt, virū probum & nobilem de domo & familia Agricolarum, vitæ pudicæ & religiosæ: in cuius electio-



nem dum etiam Myeczslaus Princeps Maioris Poloniæ consensisset, à Ianislao Archiepiscopo Gnesniē. electio eius apud Calisch confirmata, & ipse Stephanus Elect' in Ecclesia Calissien. per præfatum Ianislaum Archiepiscopum, in Episcopum consecrat' & benedict', Anno Dñi M. C. LI. quæ cū

D 3 annis

annis quinque; in sede Posnaniensi sedisset, paralyti-
tactus, Anno Domini M. C. LVI. obiit, in Ecclesia
Posnaniensi sepultus.




R A D W A N V S.



Ad Comitiorum diem pro futuro Posna-
niensi. Episcopo, in Calendis Augusti in-
dictam

dictam, eligendo, cum frequens numerus Præla-
torum & Canonorum Posnaniensium contra-
ctus foret, nonnullis per ambitionem Sedem illam
obtinere conantibus, monstruosa & in plures ele-
ctos diuisa Electio fuit subsequuta. Verentibus
autem ne eorum schisma licentiam & occasione
Summo Pontifici daret, suo iure in Ecclesiam Po-
snaniensem vtendi, & Polonis exclusis, Italum aut
Gallum Ecclesiæ Posnaniensi. præferendi, volunta-
tes rebelles sedant, rancores & bilem rescindunt,
& in Radvvanum Scholasticum Posnaniensem. virum
modestum & virtuosum, mediocriter tamen lit-
teratum & doctum, genere Nobilem, de domo &
familia Srzenyávva consentiunt. Qui & ipse per
se & suos cognatos Principis Poloniae & Monar-
chæ Myeczslavvi consensu, velut patroni, obten-
to, electionem etiam suam à Ianislao Archiepisco-
po Gnesnensi. apud Vnyeiovv obtinuit, velut cano-
nicam confirmari, & se in Episcopum Posnaniensem.
benedici, Anno Domini M. C. LVI. qui cum an-
nis octo Sedem Posnaniensem rexisset, à passione
iliaca correptus Anno Domini M. C. LXII.

morte absumptus est, in Ecclesia
Posnaniensi. terræ mandatus.



BER.

BERNARDVS.




Veriti Prælati & Canonici Posnaniens. ne vacatio Posnaniens. Ecclesiæ ex morte Radviani Episcopi immediatè sequuta, ipsis & Ecclesiæ ipsorū foret dispendiosa, ad electionis diem, quam in SS. Petri & Pauli Apostolorum natalitio indixerant, frequentes conveniūt; & per dies aliquot mutuos agitabant tractatus, ut ex corpore suæ Ecclesiæ, aut si id minus cederet, alienæ,

alienæ, dignam ad Pontificatum eligerent personam. Viam itaque scrutiniij potiore & efficaciorē ad consequendum sui voti propositum rati, scrutatoribus delectis, & votis apud illos depositis, apparuit maiorem & saniozem partem, Bernardum Abbatem siue Præpositum Trzemesensem elegisse: in quem & ceteri tam eligentes quam electi facile consentiunt, & suam approbant electionem. Erat enim vir iustitiam diligens, & singulari refulgens humilitate, nitore etiam pudicitie insignis. Cuius electionem & Myeczslaus princeps Regni Poloniae & Monarcha velut patronus consensit, & Gnesneñ. Archiepiscopus Ianislaus confirmavit, præfatoque Bernardo munus consecrationis & benedictionis Anno Dñi M. C. LXII. impendit. Hic Nobilis de domo Sirokomla cum Ecclesiam Posnaniens. annis tredecim rexisset, tandem de Episcopatu Posnaniensi cessit, & ad quietē Monasticam redijt, vbi habitans in febrim quartanā lapsus; rebus humanis exemptus est, & ad Posnaniensem Ecclesiam relatus, in ea accepit sepulturam Añ. Dñi M. C. LXXV.

2. Kalend. Octob.



SWANTHOSLAUS.



Effecturi nouum Pontificem Prælati & Canonici Polnaniē. diem S. Martini pro electione destinant. Qua appetente, dum aliquanto tempore forent discordes, & studijs partium in plura se scidissent vota; tandem sanatis & oppressis iurgijs & contentionibus, in Swanthoslaum Præpositum Polnaniē. & Canonicum Gnesneū. conformiter vota sua depromūt, & ipsum

& ipsum eligunt in Polnaniē. Ecclesiæ pastorem. Qui etsi senio grauatus onus illud detrectasset suscipere; importunitate tamen eligentium victus, tandem iugum Domini suscepit: vir & scientia conuenienter ornatus, & virtute singulariter redimitus, nobile genus ex familia Accipitrum duceus. Qui & ipse à Petro Gnesneū. Archiepiscopo Principis consensu Myeczslavvi petito & obtēto, vigore suę electionis, in Polnaniensem Episcopum confirmatus, benedictus, & consecratus est, breuiusculo tempore in Cathedra Polnaniē. anno videlicet vno sedens, Anno Domini M. C. LXXVI. mortuus est, & apud Ecclesiam Polnaniensem sepultus.




GERVARDVS.

Primum diem Mensis May, ad Comitiorum tempus, Prælati & Canonici Polnanienses, pro eligendo futuro Pontifice indictum, conuenientes, Gervvardum Custodem & Canonicum Polnaniē. concorditer eligunt, virum nobilem de stirpe Aceruorum genus ducentem; operibus pietatis deditum, ad voluptates tamen procliuem. Cuius electionem

E 2 Petrus



Petrus Gneinen. Archiepiscopus apud Opalinovv,
Myeczslavvi Principis & Monarchæ Regni Polo-
niæ consensu accedente, nullo competitore impe-



diente, confirmavit, præfatumq; Gervvardum in
Posnaniens. Episcopum, Anno Dñi, M. C. LXXVI.
consecrauit & benedixit. Hic quoque sub breui
tempore consummatus est. Nam à peste Epidi-
miæ correptus, & diebus aliquot languens Sacra-
mentis Ecclesiasticis deuotè sumptis, moritur: & in
Ecclesia Posnañ. sepelitur An. Dñi M. C. LXXVII.

ARNOL-

ARNOLDVS.




Vintadecima Augusti Prælati & Cano-
nici Posnaniens. Capitulum generale ad
eligendum nouum Posnaniens. Episco-
pum celebrantes, sedata discordia quæ nonnul-
lorum pectora peruaferat ad meliorem redeuntes
mentem, Arnoldum Canonicum Posnaniensem &
Gnesnens. Anno Domini M. C. LXXVII. eligunt.
Vir hic nobilis erat, ex familia & stirpe Dolanga

E 3

proge-


progeniem ducens, colera & indignationi indulgens: cuius electio à Gnesneñ. Archiepiscopo Petro fuit confirmata: & ipse Arnoldus in Posnaniensem Episcopum ab eodem Petro Archiepiscopo Gnesnensi fuit in Gnesnensi Ecclesia confirmatus & benedictus. Hic in religiosos & seruos Dei, singularem fauorem deuotionis gerens, Monasterio in Lubens Ordinis Cisterciensis, villam Cossentino vltra Cazimirz donatione perpetua contulit & donauit. Hic cum annos nouem in Pontificatu Posnaniensi sedisset, à dissenteria inuasus, Anno Domini M. C. LXXXVI. decimo octauo Calendas Februarij, aliàs feria quarta, die decimaquinta Ianuarij moritur: & in Posnaniensi Ecclesia funeri suo iusta soluta sunt.



M R O K O T H A.

Estum Cathedræ B. Petri Apostoli, aliàs diem XXII. Februarij, Prælati & Canonici Posnaniens. pro electione futuri Posnaniens. Episcopi instituentes, cum frequentes ad munº illud edendū conuenissent, Mrokotham Custodem Posnaniens. à maiori, & saniore parte nominatū, in

in Posnaniens. Episcopum eligunt: cui etiam nonnulli Prælati & Canonici cum suis electis aliquanto tempore aduersati fuissent, fortiori tamen iure




victi cesserunt: & ipse Mrokotha electus, nactus fauorem & gratiam Myeczslavvi Principis Polonici regni & Monarchæ, à Sdzislao Gnesneñ. Archiepiscopo, primū suæ electionis confirmationem, deinde & consecrationem consequutus est. Qui cum annis decem sedisset, tandem languore epidi-

epidimix pressus Anno Domini M. C. XCVI. deb-
bitum soluens obiit, apud Ecclesiam Posnaniẽ.
sepultus.



P H I L I P P V S.




Iem octauam Septemb. siue festum Na-
talis Serenissimæ Reginae nostræ, Virgi-
nis

nis Mariæ, Prælati & Canonici Posnaniẽ. ad ha-
benda comitia futuri Posnaniẽ. Episcopi insti-
tuunt: quo adueniente Philippum Canonicum
Posnaniẽ. per viam scrutinij, paucis discordan-
tibus eligunt. Erat hic genere nobilis stirpem du-
cens de domo & familia Wýcnyávva, conueni-
enter litteratus: cuius electio, à Sdzislao Gnesneẽ.
Archiepiscopo, consentiente Principe & Monar-
cha Regni Poloniae Myeczslavvo fuit confirmata,
Anno Domini M. C. XCVI. & ipse Philippus in
Posnaniẽ. Episcopum fuit per ipsum Sdzislaum
Archiepiscopum Gnesneẽ. benedictus. Vir mo-
destus & mansuetus & patiens in aduersis. Qui
cùm annis XIII. in Posnaniẽ. Ecclesia sedisset, in
febrim tertianam incidens Anno Dñi M. CC. IX.
morte subtractus est, & in Posnaniẽ. Ecclesia se-
pultus.




P A V L V S.



N locum Philippi per electionem Apo-
stolicam, Frater Paulus Ordinis Prædi-
catorum susceptus est, & per Henricum
Gnesneẽ. Archiepiscopum de consensu
Myeczslavvi Principis Regni Poloniae, confirma-
tus,

tus, consecratus & benedictus An. Dñi M. CC. IX.
Hic dum Borzyvvóy Comitem de Szem pro no-
tabilib' transgressionibus & violentijs, & iniurijs




Ecclesiæ Posnaniē. illatis, excommunicaret: ro-
gatus ab eodem Borzyvvóy, data acceptaque se-
curitate ad eum cum certis Prælati, Baronibus, &
amicis, in Szem, benigne secum omnia compo-
siturus, pij patris more, venit. Quem idem Borzy-
vvóy, iure gentium & iure hospitij neglecto, ac
securitate violata, captiuat; qui captiuitatem e-
uadens

uadens, per vniuersam Polonicam Ecclesiā ipsu
excommunicauit: quo censuras contemnente &
satisfacere recusante, capitur in Szem & occidi-
tur dignam pœnam suæ temeritatis persoluens:
Qui cum sedisset Annis XXXII. moritur, & in
Posnañ. Ecclesiā sepelitur An. Dñi M. CC. XLII.
Prid. Calend. Aprilis.



BOGVPHALVS. II.



K Alendas Maij Capitulares Posnanienses
 Capitulo generali celebrato, Bogupha-
 lum Cantorem Posnaniensem. & Canonicū
 Cracouiensem. nobilem genere de domo
 Rosarum eligunt concorditer: cuius electio Idib.
 mensis Iunij per Fulconem Archiepiscopum Gne-
 snensem. fuit confirmata: & ipse Boguphalus in cra-
 stino, in Presbyterum promotus, in die verò S. Lau-
 rentij in Episcopum per Fulconem Archiepisco-
 pum in Ecclesia Gnesnensi. consecratus: qui cum
 sedisset Annis X. Mensib. 6. diebus xv. Anno Do-
 mini M. CC. Liiij. quinto Id. Februarij in villa E-
 piscopali Solyecz moritur: & in Posnañ. Ecclesia
 sepelitur. Vir litteratus & studiosus; pulchram
 bibliothecam Ecclesie Posnaniensis. relinquens. Hic
 Chorum Ecclesie Posnaniensis. multas habentem
 ruinas demoliens, nouum Chorum à fundamen-
 tis fabricauit. Hic villam Kozlovvo à Duce Se-
 mouito Masouie pro xc. Marcis argenti pro Eccle-
 sia sua Posnaniensi. comparauit: quas idem Semo-
 uitus pro debitis prius Episcopo Ec-
 clesie Posnaniensis. soluere
 tenebatur.



PETRVS


PETRVS. I.



V Iduatæ Ecclesie Posnaniensis. de pastores
 Capitulares Posnaniensis. Ecclesie proui-
 suri, dum Capitulum generale Año Do-
 mini M. CC. LIII. pro Dominica Oculi, quæ fuit
 dies --- Mensis --- pro electione institutum te-
 nuissent, Petrum Decanum Posnaniensem. virum re-
 ligiosum, deuotum, & pium, Nobilem de domo
 F 3 Pravydi-

Pravvditarum, per viam compromissi, facto in tres videlicet, Petrum Præpositum, Petrum Decanum, Gerardum Scholasticum, compromisso, concorditer eligunt: & Petrum Cancellarium Boguphali olim Episcopi, quo in via spoliato & de- tento, Magistrum Ioannem Cantorem, filium Wischkonis, & Eusebium Canonicum Posnanien- sem, ad Hugonem Cardinalem & Legatum Apo- stolicum (prohibitum enim fuit per Sedem Apo- stolicam, Archiepiscopo & Metropolitano Gne- snensi, ne Hugone & Legato prædicto, Legatio- nis in Polonia honore fungente, Episcopos Po- loniæ confirmaret) transmittunt rogaturos, de prohibitionis relaxatione. Qui etsi ab Hugone Cardinali & Legato prædicto, relaxatione huius- modi obtenta, Metropolitanum suum Fulconem Gnesnensem Archiepiscopum, primùm apud flu- uium Nidam, deinde apud Lanciciam, confirmari suum electum deposcentes, adijsent; Ioanne ta- men Archidiacono Posnanien. primùm, deinde Theophilo Archidiacono Cirneñ. & Canonico Posnanien. propter contemptum de se factum, huiusmodi confirmationem impugnantibus, con- firmatio ipsa fuit tunc protelata & impedita. Dis- cordiâ autem huiusmodi Oppizo Abbas de Mes- sano Nuncius Apostolicus, ad Notitiam sui per- latam sedaturus, utrosque ad se in Wratislauiam accersit,


accerisit, & venientes depositis omnibus discor- diis & oppositionibus in vnionem fraternam re- duxit, prædictique Petri electionem legitimam & & Canonicam reperiens, auctoritate Apostolica confirmavit. Qui eodem Anno in Villa sua Epis- copali Kozlovv, fuit per Fulconem Archiepisco- pum Gnesnensem, in Præsulem Posnaniensem con- secratus. Qui cum Anno vno, mensibus duobus sedisset, Paralyti in parte dextra tactus, quarto Idus Maij moritur, Anno Domini Millesimo Ducen- tesimo, quinquagesimo quarto; Et in Posnanienſi Ecclesia sepelitur.



BOGUPHALVS. III.


Non audentes Capitulares Posnanienſes, in die vj. Id. Iunij, pro electione futuri Pontificis Posnanienſis indicta, propter prohibitionem eis per Opizonem Abba- tem de Messano Nuncium Apostolicum per spe- ciales & patentes litteras factam, procedere, mis- sis ad eum nuncijs notabilibus, inhibitionem hu- iusmodi tolli obtinuerunt: & XV. Iunij iterum ad eligendum Pontificem nouum apud Posnani-ensem Ecclesiam congregati, facto in Magistrum Ioannem

Ioannem Wilchkonis Scholasticum Polnaniē.
 Nicolaum Scholasticum Craeouiē. & Theo-
 philum Archidiaconum Czirneē. Posnanienses



Canonicos compromisso, Boguphalum de Czer-
 myelin Præpositum Gnesnensem & Canonicum
 Posnaniē. nobisem de doma Rozà, concorditer
 per viam compromissi eligunt: cuius electio ve-
 lut conformis & canonica per Fulconem Archie-
 piscopum Gnesneē. apud Curzelovv fuit confir-
 mata

mata: & ipse Boguphalus in Anno sequenti, vide-
 licet M. CC. LV. in Dominica Reminiscere apud
 Monasterium Landense, per eundem Fulconem
 Episcopū Gnesnensem, alsistentibus sibi Thoma
 Wratislaviensi, Michaële Wladislaviensi, An-
 drea Plocensi, Henrico Culmensi Episcopis, fuit
 consecratus. Sedit annis decem, abutendo, quas
 sibi Deus & natura contulerat, virtutibus: & ple-
 risque vicijs & carnalibus illecebris Pontificale
 culmen inquinando. Tandem Anno Domini
 M. CC. LXIII. quinto Id. Febr. apud Villagium
 Czymna moritur, & in Ecclesia Posnaniensi se-
 pelitur.



P H A L A N T H A.



Igesima quinta Mensis Februarij die
 M. CC. LXV. Capitulares Posnanienses,
 futuri Posnaniensis Episcopi electionem
 celebrando, Petrum aliàs Pyetrzikum
 de Skoczewvo, Præpositum Posnaniensem nobi-
 lem de domo Habdanck via Scrutiniij proceden-
 do, concorditer eligunt. Qui assumptis secum ali-
 quibus Prælatiis & Canonicis Posnaniensibus ad
 Ianussium Archiepiscopum Gnesnensem, suæ ele-
 ctionis

tionis petiturus confirmationem, processit: quē apud Znamam offendens, dum suam electionem confirmari peteret, simplicitas litteraturæ & Iuriū




ignorantia illi fuit à Ianussio Archiepiscopo obiecta: quod nonnulli adstruunt Ianussium Archiepiscopum callido fecisse ingenio, quatenus morem Boleslao Maioris Poloniæ Duci & suæ consorti Iolentæ filix Regis Hungarię gesturus, Phalantam Decanum Gnesnensem, pro quo Dux & Ducissa

feruidam

feruidam sollicitudinem interponebant, ordinalset succedere. Contigit interim, quodd prædictus Petrus aliàs Pyetrik Prepositus & Electus Posnaniensis, siuè Ducis Boleslai & Ianussij Archiepiscopi consilijs & persuasionibus, siuè sua simplicitate flexus, & Pontificale diadema perosus, de iure suo electionis, in fauorem Phalantæ Decani Gnesnensis spontè cessit, & renunciauit. Quod ubi Ioannes Decanus & Capitulum Posnaniense intellexit, appellationem à denegatione confirmationis Archiepiscopi, & renunciatione Iuris per Petrum Electum suum facta, ad Sedem Apostolicam interposita, nouam diem ad eligendum alterum Pontificem dixit, & in illa Ioannem Archidiaconū Posnaniensem hominem bonæ vitæ & conuersationis concorditer elegit. Cuius cum à Ianussio Archiepiscopo Gnesnensi peteretur confirmatio, respondit, secundam electionem de Ioanne Archidiacono, propter priorem de Petro Decano factam, monstruosam fuisse & indignam quæ ab eo deberet confirmari. Propter quod Decanus & Capitulum Posnaniense refutationem suæ petitionis in fauorem Phalanthæ existimans procedere, in vocem appellationis prorupit. Qua non obstante Ianussius Archiepiscopus Gnesnensis præfati Phalanthæ Decani Gnesnensis nominationē confirmauit. Et licet Benedictus Vicarius Canonialis,


Collecta vocatus, à Capitulo Posnanienſi miſſus, Ianuſſium Archiepiſcopum magnoperè rogafſet, ſollicitaſſetque ne Phalantæ munus conſecrationis impenderet; ipſe tamen Ianuſſius precibus Capituli Poſnanienſis obauditis, ipſo etiam Benedi- cto Collecta verberari iuſſo, præfatum Phalantam Decanum Gneſneñ. in Piſdrenni Eccleſia Paro- chiali, appellatione non obſtante, in Episcopum Poſnanienſem conſecrauit: qui breuiuſculo tem- pore in Poſnanienſi ſedit Eccleſia per Summum Pontificem Clementem Papam Quartum, ab ea exclusus, confirmatione & conſecratione Gneſ- nenſis Archiepiſcopi Ianuſſij illum non releuante.



N I C O L A V S.


Ioannes Poſnanienſis Decanus, ſuam & Eccleſiæ Poſnanienſ. per Ianuſſium Gneſneñ. Archiepiſcopum, qui Phalantam Decanum Gneſneñ. in Poſnanienſ. con- firmauerat & conſecrauerat Eccleſiam, cum Ioan- ne Archidiacono & electo Poſnanienſ. Petro Scho- laſtico, & Miroſlao Canonico Poſnanienſ. Curiam Romanam veniens, apud Clementem Papam IV. iniuriam depoſuit: & per Thomam Wratſlaui- enſem

enſem Episcopum, Phalantam Episcopum Poſna- nienſem citari ordinauit. Qui perſonaliter com- parens prouiſionis ſuæ litteras de conſenſu & fa-



uore Boeſſai, Maioris Poloniæ Ducis, apud audi- entiam ſummi Pontificis exhibuit, & illas per Se- dem Apoſtolicam ratificari ſupplicauit. Quas Clemens Papa, de Conſilio Cardinalium, inuali- das & parum legitimas, reputans caſſauit; & Pha- lantam omni iure Episcopatus Poſnanienſis priua- uit: & ipſum ab adminiſtratione præfatæ Ec- cle-

clesiæ amouit. Ioannes insuper Archidiaconus Posnaniensis, ius suæ electionis intelligēs & temerarium & languidum, vtpotē qui ab illis electus fuerat, qui iam potestate eligendi, pro ea vacationis vice, perfuncti erant, spontē illi in manibus Papæ celsit, & renunciauit. Clemens autem Papa omne ius Posnaniensis Ecclesiæ videns apud se consistere, Magistro Nicolao Scholastico Cracouiensi, qui inter nuncios, negotium Canonizationis Beatæ Hedwigis Ducissæ Vratisslauiensis sollicitandi, vnus erat, de Posnaniensi Ecclesia prouidet: & ipsum apud Viterbium de eadem Ecclesia mandauit consecrari. Sedit Annis nouem, & Anno Domini M.CC.LXXIII. moritur; & in Ecclesia Posnaniensi sepelitur: nobilis & natione Polonus de domo & familia Vulpium.




IOANNES I. dictus Wyskóvvyec.



Assumpto morte Nicolao Posnaniensi Episcopo, & in Ecclesia Posnaniensi sepulto, Ioannes Wyskóvvyec Canonicus Posnaniensis genere nobilis de domo &

mo & familia Lodzia, per electionem Capitularē, in sedem Posnaniē. susceptus est: qui cū illā aņis propē vndecim rexisset, An.Dñi M.CC. Lxxxvi.



quinto Idus Maij moritur, & in Posnaniensi Ecclesia sepelitur. Hic Canonicus Posnaniensis existens propter eius virtutes & merita, & probē actam vitam conformiter eligi meruit; cuius electio accedente Boleslai Caliseñ. & Premislai Posnaniē. Principis fauore & consensu, à Gregorio Papa X. propter Archiepiscopatus Gnesnensis diuturnam


turnam vacationem, fuit confirmata: & ipse Ioannes Wyſzkovviéc à Philippo Gneſneñ. Archiepiſcopo fuit conſecratus & benediſtus ſed tardiusculè. Quoniam Philippus præfatus Gneſneñ. Archiepiſcopus propter frequentes & diuturnas Romanæ Sedis vacationes, prouiſionem ſuam annis aliquot non potuit, niſi cum lapſu diuturni temporis obtinere.



IOANNES dictus Herbuth aliàs Gerbiſch.

Ioanni Wiſkovvyéc Poſnanièñ. Epifcopo, Ioannes eiufdem nominis, ſed alterius cognomen ti Herbuth, aliàs Gerbiſch à nonnullis Traditor appellatus, genere & ipſe nobilis Canonicus Poſnanineſis conformi electione in Sedem Poſnanièñ. via ſcrutiniij electus, ſuccedit: cuius electionem Iacobus Svinka Archiepiſcopus Gneſneñ. confirmans, ipſum etiam in Landa Monafterio ordinis Ciſtercieñ. in Epifcopum conſecrauit. Sub illius Pontificatu & diſſimulatione, Præpoſitura Santhoceniſis in prouentibus à collatione & prouiſione Poſnanièñ. Epifcopi abſtracta eſt,

eſt, per Ottonem longum & alium Ottonem ac Ioannem nepotem eorum Marchiones Brandenburgeñ. & Capitulo Eccleſiæ Soldineñ. applicata:



cuius Præpoſitus in Clero & populo & in ſingulis Eccleſijs infra Oderam, Inam, Dravvam, Wartham, & Notes fluuios, conſtitutis, Ordinaria Iuriſdictione utebatur. Ex quo deinde magnam Diœceſis Poſnanièñ. in Svvanthoceniſi Caſtellania, & quicquid gentium infra flumina prædicta
H ſitum


situm est, passa est sui corporis sequestrationem:
 qui cum illam Annis xii. rexisset, tandem Anno
 Dñi M.CC. XCVIII. mortuus, in Ecclesia Polna-
 niensi sepelitur, nobilis de domo & cognatione
 Nalanczytarum, Secundo Idus Aprilis.




ANDREAS. I.



Succes-




Vccelsit Ioanni Heibuth alias Gerbisch,
 conformi electione Capitularium, sedē
 Posnaniensem sortitus, Nobilis genere
 de domo & familia Zaramba appellatus
 Andreas Simonovvic, ex patre Simone genitus,
 per Iacobum Svinká Gnesnensem Archiepiscopū
 Anno Domini M. CC. XCVIII. confirmatus &
 in Posnaniensi consecratus Ecclesia. Hic Wla-
 dislaum Lokcek Cuiauiensem ducē, & in Regem
 Poloniae vniuersali consensu electum, pro eo quod
 apud Maioris Poloniae agens oram, matronarum
 & virginum pudiciā per se & milites prostitue-
 bat, & tam Ecclesijs quā militib⁹ erat onerosus,
 publicē excommunicauit. Hic etiam ad reunien-
 dam Pręposituram Santhocensem ablatā, maximo
 in consistorio Apostolico desudauit conatu, ani-
 mosus Iurium Ecclesię suę defensor. Sedit An-
 nis xiii. Hic Anno Domini M. CCC. Wence-
 slaum Bohemię Regem cum Iacobo Svinká
 Gnesnensi Archiepiscopo, Vislao Wladislauiē.
 Ioanne Komka Wratillauiēsi Episcopis, in
 Gnesnensi Ecclesia in Regem Polo-
 nię coronauit.



H 2


DOMA-

DOMARATVS aliás Domanká.




Simonovicz Andreæ successorem Episcopo fatiſ abſumpto, Capitulares Poſnanienses ordinaturi, electionem celebrant: in qua via ſcrutiniij Domaratum Poſnaniensem Decanum, genere nobilem de ſtirpe & genealogia Grzimalitarum eligunt: cuius electionem

nem quoniam & conformis erat nullo obſtaculo impedita, & conſenſu Wladislai Poloniae Regis aucta, Ianiſlaus Gneſnenſis Archiepiſcopus confirmavit: ipſum etiam Domaratum ad Poſnaniensis Eccleſiae petalum conſecrauit & benedixit: qui cùm annis nouem ſediſſet, languore diuturno correptus occubuit, & in Poſnaniensi Eccleſia eſt ſepulchus, Anno Domini Milieſimo, Trecenteſimo, Vigefimo.




IOANNES III. dictus Dolyvvá.



Onuenientibus Prælatiſ & Canonicis Poſnaniensibus ad futuri Pontificis celebranda comitia, inſtaurato per viam ſcrutiniij proceſſu, Ioannem Dolyvvá Præpoſitum Poſnaniensẽ, paucis diſcordantibus eligunt. Erat enim vir humanus & genere nobiliſ de domo & familia Dolyvvá: ob quam progeniem humói cognomen fuit ſortitus: ingenio naturaliter pollens, affectionem, & gratiam hominũ facile in ſe committens: cuius electionem Gneſnenſis Archiepiſcopus Ianiſlaus confirmavit, & ipſum


sum in Posnaniensem Episcopū consecrauit: qui
cū sedisset Annis xv. An. Dñi M. CCC. XXXV.
die xvii. Martij moritur, & in Ecclesia Posnanien-



si sepelitur. Hic statum agens Pontificalem,
& in expensis & infamilia munificum se ges-
sit & liberalem, nonnunquam etiam prodi-
gum, plura expendens pluraque consumens quā
sat erat, eaque prodigalitate usus, & debitis se æreque
lalieno inuoluerat; & prouisionem egenorum, vi-
duarum, orphanorum, cæterarumque miserabi-
um personarum negligebat.


IOAN-

IOANNES IV.



Substitutus est in locum Ioannis Doly-
vvá, Ioannes de Kampa genere nobilis
de domo & familia Lodzja per Cano-
nicam electionem Anno Dñi M. CCC. XXXV.
Qui cū sedisset Annis vndecim, tandem Anno
Domini M. CCC. XLVI. moritur & in Ecclesia
Posnaniensi sepelitur. Qui viuens etiam pro tem-
pore, solacijs & hilaritati operam daret, singulari-
ter


ter tamen Virgini Mariæ famulabatur: vadē & in illius honorem Profas compilauit: vnam de Assumptione, quæ incipit, Salue salutis ianua: aliam de Purificatione, quæ incipit Benedic̃ta: tertiam de Sancto Adalberto, quæ incipit, In laudem Summi Præsulis: quartam de Sancto Petro, quæ incipit, Tu es Petrus: quintam de S. Paulo, quæ incipit. ----- Item Antiphonam pulchram de Beata Virgine, quæ incipit, Lux clarescit in via. Vir benè literatus, sed in lasciuia procliuis, lubricitati deditus, & ob id scandalosus.



ALBERTVS I. Dictus Páluká.

Post mortem Ioannis Lodzya, substitutus est Albertus Paluka Præpositus Wladislauiensis & Canonicus Posnaniensis, passus tamen plures instantias & impedimenta. Confirmationem suæ electionis & deinde consecrationem non nisi post biennium, videlicet Anno Domini, M. CCC. XLVII. Die xxvii. Mensis Ianuarij, in Episcopum Posnaniensem potuit sortiri. Qui cū annis septem in Posnaniensi Eccle-


Ecclesia sedisset, in villa Solecz Anno Domini M. CCC. LV. die xix. Maij moritur, in Ecclesia



Posnaniensi sepelitur, Natione Polonus, genere nobilis de domo & familia Bipennium, in moribus & actionibus suis virtuosus, propter quas in Pontificatum Posnaniensem succedere putabatur.



IOANNES V.



IN locum Alberti Paluka, Capitulares Posnanienses, Pontificem pro die Comiti-
tiorum ad id specialiter indicta, substitui-
turi, Ioannem Præpositum Posnaniensem
genere Nobilem de domo Dolyvva, scruta-
tis votis singulorum, Anno Domini M.CCC.LV.
concorditer eligunt: qui à Iaroslao Archiepiscopo
Gnesnensi confirmatus & benedictus, sedit, An-
nis


nis vno de viginti in Posnaniensi sede. Hic deci-
mas manipulares Noualium in Masouia Ducatu
quas Semonitus Masouia & Varfauiensis Dux sui
& militare iuris facere nitebatur, per medium
Kasimiri Polonia Regis, & suam sententiam dis-
finitiuam, pro ipso & Ecclesia Posnaniensi in Rá-
cyaz, xv. Kalend. Febr. M. CCC. LVIII. latam,
recuperat. In Villa Otbicovvo Ecclesia suæ, ex
hidropico morbo, Anno Dñi M.CCC. LXXIII.
die xiv. Mensis Februarij moritur, & in Ecclesia
Posnaniensi sepelitur.



NICOLAUS II.

IN crastino sepulturae Ioannis Posnaniensis Epi-
scopi, Capitulares Posnanienses, electionis die
non indicta, nec absentibus vocatis, fingeant se
nonnulli, & signanter Andreas de Choynicza Ar-
chidiaconus, & Damianus molendinatoris de Lo-
vvicz Cancellarius Posnaniensis, Præpositum eli-
gere: quod cæteri Prælati & Canonici Posnanienses,
qui eundem Troianum Præpositum Posnaniensem
dignum Pontificio iudicabant, audientes, ip-
sos & quinq; alios videlicet Ioannem Custodem
Gnesnensem, Albertum de Badlevvo Archidiacono

num Cirnensem, & Michaëlem de Myelskovvo
 Canonicos Posnanienses in Compromissarios e-
 ligunt. Qui potestate accepta, non Troianum Præ-



positum, ut fingeant, quamvis Archidiaconus &
 Custos Posnanienses & Scholasticus Gnesnensis
 Troianum nominassent, sed cæteri quatuor vocibus
 prævalentes, Nicolaum de Kurnik Præposi-
 tum S. Mariæ in Cracouia, & Canonicum Posna-
 nensem Nobilem de domo Lodzya, eligunt: qui
 ad Cu-

ad Curiam Romanam in Auinionem se persona-
 liter conferens, non obstantibus Regis Poloniae
 Ludouici, & Ioannis Archiepiscopi Gnesnensis
 ac Cracouiensis Episcopi reclamationibus, & im-
 pedimentis litteralibus, à Gregorio Papa Vndeci-
 mo obtinuit confirmationem, illicq; consecratus.
 Homo lasciuia & voluptati deditus: & cum se-
 disset Annis octo, nulla re memorabili edita, quæ
 memoriam suam produxisset ad posteros, biennio
 antè priusquam exstingueretur, grauissimo Cancri
 morbo in loco genitalium vrebatur. Quartana
 deinde febre correptus, & in latere scissura percus-
 sus, in lingua & gutture adeò vlceratus est, ut etiã
 officio linguæ & loquelæ penitus priuaretur; tot
 denique languoribus confectus in Curia Ecclesiæ
 suæ Cyazym, Anno Domini Millesimo Trecen-
 tesimo octuagesimo secundo, vigesima prima
 Martij moritur, & in Ecclesia Posnaniensi sepeli-
 tur. Vir loquax & in altercationes atque lites plu-
 squam conueniret Pontificali grauitati, præceps.




NICOLA VS. III.



Epulto corpore Nicolai de Kurnik Po-
 snaniensis Episcopi, Prælati & Canonici
 I 3 Posna-

Posnanienses electione futuri Pontificis indicta, & celebrata, omnibusque tam presentibus quam absentibus rite & legitime citatis atque vocatis, Anno



Domini Millesimo, Trecentesimo, Octuagesimo Secundo, Vigesima nona die Mensis Martij, per viam scrutinij, hæc enim illis commodior videbatur, procedendo, Nicolaum Cantorem Gnesnensem & Scholasticum Posnaniensem, genere Nobilem de domo Nalancz virtuosum & modestum, in pauperes libaralem, & misericordiae operibus deditum, ad Ec-

ad Ecclesie Posnaniensis regimen sufficiunt & eligunt: cuius electione Ioannes Suchyvvilk Archiepiscopus Gnesnensis, secunda die Mensis Aprilis, Anno Domini Millesimo, Trecentesimo, Octuagesimo Secundo, in Oppido suo Archiepiscopali Znena, iam in grabato, graui languore pressus decumbens, instantibus Capitularibus Posnaniensibus, velut iustam & Canonicam concinneque celebratam, dum nullus appareret competitor, sed nec impeditor, auctoritate Metropolitana & Sacrorum Canonum, iuste & merito confirmat, ipsumque mandat suis suffraganeis in Coepiscopum & in Confratrem consecrari & benedici. Vir tamen tam virtuosus & incomparabilis, Canonicè in Episcopatum susceperat, Canonicèque illum adeptus, liuore ambitiosorum, ex illo fuit detrusus. Nec licuit Posnaniensi Ecclesie, cum legitimo sponso suo, diuturno tempore permanere. Sed in sponsi locum mæchus illi subiectus est, potentia & brachio tam Ecclesiastico quam seculari, ab Urbano Papa Sexto in sua obedientia nominato, qui primus scandalum & schisma, quod Constantiense Conciliū sedauit, introduxerat, exclusus, & à sua legitima sponsa sequestratus.

IOANNES VI.



Olestam & odiosam Ludouicus Hungariae & Poloniae Rex habens Nicolai Scho-

Scholastici Posnaniensis electionem, & eiusdem
per Ianussium Suchivvilk factam, non peteo suo
regio consensu, confirmationem, spretum se &



contemptum dolens, Vladislao Duce Opoliensi,
qui Ruski vocabatur, petente, Episcopatum Pos-
naniens. Nepoti eiusdem Ducis Vladislai, Ioanni
Holith aliàs Kropidlo Præposito Sancti Martini
in Sczepusz, iuuenulo in studio tunc Bononiens.
constituto, filio Boleslai Ducis Opoliensis, con-
fert:

fert: & ad Summum Pontificem Vrbanum VI.
qui Schisma in Ecclesia Dei suscitauerat, nutrie-
rat, auxerat, litteras mittit, petens illum in Posna-
nensem Episcopum promoueri, opportunas. Ve-
nit interim personaliter Budam ad Ludouicum
Regem Nicolaus Electus & confirmatus Posna-
nensis, petens consensum, sed vix post diem ter-
tium audientia, licet ægrè, potitus, petitionis suæ
passus est repullam; respondente Rege se pro vi-
ribus eius promotionem impediturū: & dum
idem Nicolaus electus & confirmatus Posnani-
ensis, Romam procedendo Taruisium venisset, à Po-
testate Ciuitatis Taruisiæ, præfato Ludouico Re-
ge ordinante, arestatus est, & nonnisi per plures
dies dimissus. Nec dum Romam peruenerat, Vr-
banus VI. precibus Ludouici Regis Poloniæ, &
præfati Ducis Opoliensis Vladislai motus, præ-
fato Ioanni Kropidlo, quamuis minorenni & non
sufficientis ætatis, nepotem eum suum affinemq;
reputans (Aquilam enim ceruleam in campo cœ-
lestino præfatus Vrbanus VI. quemadmodum &
Duces Opolienses, deferebat pro insigni) nona
Mensis Iunij de Episcopatu Posnaniensi eodem
Anno Domini Milesimo, Trecentesimo, octuage-
simo secundo, Pontificatus sui Anno sexto, proui-
dit: qui mandante Ludouico Poloniæ & Hunga-
riæ Rege, excluso iusto & legitimo Episcopo Ni-
colao,


colao Posnaniensis Episcopatus possessionem adeptus est, & pacificè ipsam Ecclesiam biennio possedit. Anno verò Domini, Millesimo Trecentesimo, Octuagesimo Quarto, eodem Rege Ludouico promouente, per eundem Vrbanum Papam, ad Ecclesiam Vladislauien. quę tunc ex morte Sbiluthi vacabat, velut ad Crasuiorem pinguioremque translatus est, & vero & legitimo electo, Troiano Præposito Posnaniensi, per brachium seculare, eodem Rege Ludouico mandante, excluso; possessionem pacificam adeptus est, præfactæ Ecclesiæ Vladislauiensis.



DOBROGOSTIVS. I. DICTUS wydrzyoko.

Ioanne Kropidlo Duce Opoliensi & Episcopo Posnaniens. ad Ecclesiam Vladislauensem tunc per mortē Sbiluthi Episcopi Vladislauiensis vacantem, translato, per Vrbanum in sua obedientia vocatum Papam Sextum, & possessionem Ecclesiæ Vladislauiensis XI. Mensis Februarij pacificè nacto, Dobrogostius Lázenki de Novvydvor genere Nobilis de domo & familia Nalacz, Decreto-

cretorum Doctor Paduanus, ex patre Thomislao, Decanus Cracouiensis, & Canonicus Posnaniensis, ad instantiam & intercessionem Ludouici Po-




loniæ & Hungariæ Regis, per eundem Vrbanum Papam VI. Tertio Nonas Iunij, Pontificatus sui Anno Septimo apud Neapolim, suffectus & promissus est, ad Ecclesiam Posnaniensem: illiusque pacificam possessionem, fauore & iussione Ludouici Regis, absque vlla difficultate, assequutus; vir, ut præ-

præmilimus nobilis, sed ob rubedinē oculorum,
 quæ oculos eius distrahebat, à vulgò communi,
 vocabulum Wydryoko sortitus est. Hic cūm
 Annis Vndecim apud Ecclesiam Posnaniensem se-
 disset, propter septennale dissidium, quod inter
 prouisum Bonifacij Noni, Ioannē Kropidlo Du-
 cem Opoliensem præfatū, ad Ecclesiam Gnesnen-
 sem per eum prouisum ab vna, & Wladislaum se-
 cundum Poloniae Regem & clerum Gnesnensem
 partibus ab altera, integro septennio durauerat,
 qui neglectis Censuris Bonifacij Noni ipsum ad
 Iura Gnesnensis Ecclesiæ nullatenus admittere vo-
 lebant, præfato Ioanne Duce Opoliensi de Iure in
 Ecclesia Gnesnensi quæsito, spontē cedente, Do-
 brogostius præfatus in Curia Romana præsentia-
 lem tunc agens, ad instantiam Vladislai Secundi
 Poloniae Regis, per Bonifacium præfatum Papam
 Nonum, Anno Domini Millesimo, Trecentesi-
 mo, Nonagesimo Quarto, sexto Calendas Aprilis,
 ad Gnesnensem Ecclesiam translatus est: sibiq; ab-
 solutio & dispensatio omnium Ecclesiasticorum
 in Regno Poloniae, qui Censuras septenni con-
 temperant, & irregularitatē contraxerant, com-
 missa. Verebarur enim Bonifacius Nonus, ne
 Wladisla' Poloniae Rex, si in petitione sua negli-
 geretur, ad competitorem eius in Papatu, Petram
 de Luna Benedictum xij. appellatum. deficeret.

NICO-

NICOLAUS. IIII. dictus Kurovski.




DObrogostio Posnaniensi Episcopo ad
 Ecclesiā Gnezneñ. ex causis quas præ-
 misim⁹, translato; Nicolaus de Kurovv
 ex patre Clemente & matre Catharina ex prouin-
 cia Cracouiensi oriundus, nobilis de domo & fa-
 milia Srzenyavvitarum, qui in campo rubeo flu-
 uium

K 3

uim Srzenyaua, cruce vertici fluminis superim-
posita deferunt, ad instantiam & intercessionem
Wladislai Secundi Poloniæ Regis per Bonifaciũ
Nonum, Anno Domini M. CCC. XC. IIII.
sexto Kal. Aprilis prouisus & suffectus est; posses-
sionemq; eiusd. Posnaniens. Ecclesiæ absq; vlla dif-
ficultate consequutus. Vir lasciuus & in terrenam
substantiam, solatijs quoq; mundanis, choris, ci-
tharis, & tympanis, ad ditandum quoque fratres,
consanguineos, & nepotes, deditus, & procliuis:
qui cum annis quatuor in Sede Posnaniens. sedis-
set, tandem ad Ecclesiam Vladislauens. ex morte
Henrici, filij Vencellai Ducis Legnicen. vacan-
tem, Anno Dñi M. CCC. XC. VIII. ad instantiam
& intercessionem Wladislai II. Regis Poloniæ
prouisus & suffectus est, licet Bonifacius Papa IX.
durante schismate in Ecclesia Dei, in sua obedien-
tia sic appellat^r, Ioannem tropidlo Ducem Opo-
liens. à Gnesnens. & Vladislauens. Ecclesia deiectum,
omni studio, ingenio, & intercessione ad Vladisla-
uens. Ecclesiam casto labore, conaretur restituere:
verum iusto Dei iudicio impletum fuit in præfa-
to Ioanne Kropidlo, Sanctorum Patrum Vetus
Decretum, vt qui prioris Ecclesiæ conditione
contempta, ditiores ambiebat,
vtraq; priuaretur.

ALBER-

ALBERTVS II. dictus Iastrzabyec.



Nicolao Kurovski Episcopo Posnani-
ensi ad Ecclesiam Vladislauensem, tali-
ter vt præmisimus, translato; Albertus
Iastrzabyec Scholasticus Cracouiensis, ex patre
Derislao & matre Christina ex terra & Prouincia
Sandomirienſi, & ex vico ignobili, sed per eum
nobi-


nobilitato dicto Lubnica, prope Paczanovv Op-
pidum[ito], & ex progenie Nobili Iastrzabco-
num ortum ducens & genus, Anno Dñi M.CCC.
XC.IX. die XVI. Kal. Mensis Maij, per Bonifaciũ
Papam IX. durante Schismate in Ecclesia DEI,
Anno eiuldem Bonifacij decimo, ad instan-
tiam & intercessionem Vladislai Secundi Po-
loniæ Regis, & Hedwigis consortis suæ Poloniæ
Reginæ, apud quam Cancellariatus officio fun-
gebatur, & in quem propensiori favore utebatur,
ad Ecclesiam Posnaniensem promotus & proui-
sus; vir & ipse in cognatos, fratres, & nepotes la-
sciurus, ad augendam quoque terrenā substantiam
cupidus. Hic cū adhuc puerulus esset, & pa-
rens eius Derflaus, ex coniuge sua Christina, ipsum
& aliquot filios & filias, in prædiolo dicti vici
Lubnicza habitans, sustulisset, videns se plures he-
redes relicturum, quoniam ager prædioli sui cul-
tores desideraret, eundem Albertum filium, septi-
mi anni circulum iam adeptum, assumit, & ad Ec-
clesiam suæ Parochiæ ad Sbaszovvam militarem,
pedestri itinere, defficientibus subiugalibus, gym-
nasijs agrestibus & villanis imbuendum deduxit,
scholisq; erudiendum tradidit, eo sermone prius
alloquutum. Trado te, inquit, fili mi, non in Scho-
larium sed in Episcoporum numerum. Tu autem
benedictione mea paterna statum Pontificalem
assequu-

assequutus, caue ne vnquam egestatis huius præ-
sentis, in qua me & matrem tuam, & teipsum ac
fratres tuos positum vides, obliuiscaris in pompas
& arrogantias aliquas delapsurus. Maior enim
est, quàm vt tibi illam alicuius temporis possit au-
ferre obliuio. Pontifex autem effectus, & mihi
parenti tuo, & loco huic in quo te primū litteris
dedo, hanc beneficij vicissitudinem reddi, vt in lo-
co præsentis Ecclesiam latere vel lapide fabrices,
sempiternā mei & tui nominis memoriam testa-
turam. Sic fatus, iuuenem scholis dat pater, in
singulis mandatis obedienter parere pollicentem.
Nec vtrumq; opinio fefellit. In Episcopum enim
Posnaniensem, paterna benedictione & merito il-
lum adiuvante promotus, Anno Dñi M.CCC.vij.
Ecclesiam præfatam in Baszovva ligneam, latere
coctili fabricauit, picturisq; ornauit. Quam pro-
cessu dierū ex Parochiali in Conuentualem, lo-
cando in ea Fratres Beati Pauli primi eremitæ
translulit, & transferri ordinauit. Hic insimulatus
maximi ponderis thesaurum, ab antiquis scilicet
Regibus & Principibus Poloniæ in Ecclesia Pos-
nanienli, ob necessitates Reipublicæ futuras con-
ditū, sustulisse; & suæ priuatæ necessitati addixisse:
quam sibi vnus ex Vicarijs Posnanien. qui per
successiones continuas thesauri locum vnus alteri
demonstrantium vnicus remanserat, loco demon-
strantium

Itantium vnicus remanserāt, loco demonstrato
moniturus prodiderat. Hic sub suo Pontificatu
collegium Mansionariorū, in Ecclesia Posnaniē.
instituit & dotauit. felix cui tanti muneris contigit
institutio. Hic cū apud Ecclesiā Posnaniensem
Añis quatuordecim sedisset, & omnium ore sum-
mis laudaretur & benediceretur preconijs, in am-
bitionem Cracouiensis Episcopat⁹ incidit; quem
consequuturus, Vladislao Poloniae Rege illum
adiuante, quem frequentibus subarrhabat mu-
neribus, Petrum Wysz eius tunc Episcopum,
virum bonum, sanctum, & simplicem, in amenti-
am illū cecidisse, & omnis rationis expertem, deli-
rumq; fingens, assertionemq; suam apud Ioannē
de Cossa, scismate durante, in sua obedientia Papā
xxij. appellatum exsponēs, eademq; assertionem
suam per testes falsos & iniquos, quorum maior
pars ex Prælati & Canonicis Cracouiensib⁹ erat,
& in quos ipse Petrus Wysz Episcopus singularia
beneficia, dona, & gratias contulerat probans, ab
Ecclesia Cracouiensi, velut amentem & delirum
obtinuit amoueri, Año Dñi, Millesimo, Quadrin-
gesimo duodecimo, die vltima Mēsis Septem-
bris: & se eodem Anno & die, per eundem Ioan-
nem Papam xxij. qui processu dierum per Con-
cilium Constantiense iustissimè depositus, & ad
carceres & compedes damnat⁹ est, obtinuit ad Ec-
clesiam

clesiam Cracouiensem transferri. Ex eo autem
tempora, vsq; ad nostra, clerus Polonicus vniuer-
sus, sed & Albertus Iastrzamyec, ob huiusmodi
ambitionem, benedictione & laudatione in male-
dictionē mutata, cæpit esse apud laicos execrabilis,
vituperabilis, & contempt⁹: & omnes Præfati Al-
berti Iastrzamyec, virtuosæ, meritoria & nobiles
actiones, quasi nō fuissent veræ sed simultaneæ, nec
radicibus firmis sed perfunctorijs innixæ, versæ
sunt in squallorem, ludibrium, & fœtorem. Fre-
quenter insuper amicorum & consanguineorum
Præfati Petri Wysz Episcopi tam apertis, quàm
clandestinis petebatur insidijs, frequenterq; in eū
coniurationes & seditiones fiebant. Nec mirum:
quoniā præfatus Albertus Iastrzamyec rem pe-
stiferā, scandalosam, & monstruosam in Ecclesia
Polonica, & in Regno Poloniae nunquam antea vi-
sam aut auditā introduxerat: & re & exemplo per
multas ætates sorde sua nocituram: à qua se facili-
ter continere potuisset, si Episcopatu suo optimo
Posnaniē. contentus, ad deiectionē & spoliatio-
nem sui Coëpiscopi & confratris, viri alioquin in-
nocentis & sancti, priuata etiam sibi caritate vene-
randi, tam feruenter non sudasset, post bi-
ennium iustiori titulo illum Epi-
scopatum adepturus.

PETRVS II. DICTVS
wysz.



SVB eodem itaq; tempore videlicet Año
Dñi M. CCC. XII. die xvj. Mensis Apri-
lis, Ioannes Papa X X I I I. schismate du-
rante, Albertum Iastrzamyec de Posnaniensi in
Cracouiē. transferens, etiam Petrum Wysz Epi-
scopum Cracouiē. de Cracouiē. transtulit in
Posna-

Posnaniē. licet ignorātem & inuitum. Adeò
enim clandestinē depositio viri simplicis & beati
agebatur, vt antequā se falsis criminibus, à testib.
subornatis suspicaretur accusari, propria sede ex-
utus & in alienam translatus est. Et licet aliquan-
tisper huiusmodi translationi restitisset, & Vladis-
laum Poloniae Regem in dicta, quæ Grodnæ a-
gebatur, personaliter fuisset deprecatus, ne eum à
Sede sua eijsi permetteret, neque mortē senis lon-
gū expectare censeret; videns tamen animum
Regium inexorabilem fore, qui etiam virum no-
bilem Mroczkonem de Lopuchovv qui vnicus
ex consanguineis eius, cæteris omnibus eum de-
ferentibus, pro eo tunc interpellabat, manibus
proprijs correptum turri incluserat, cessit furo-
ri Regis & iræ, & Cracouiensi Ecclesia sponsa sua
legitima in qua annis X X. cū pietate & religione
federat, deserta, in Posnaniē. transijt, flens & ei-
ulans, & ultionem Diuinam suis exclusorib. impre-
cans. Vir nobilis genere de villa Radolina ex do-
mo Lescitarum, acervum pro insigni in campo
rubeo deferentium, Vtriusq; Iuris Doctor, ex pa-
tre, Matuda & matre Margareta, ex Maioris Po-
loniæ terris ducens genus. In pauperes & egenos,
& quolibet miserales personas, non tam libera-
lis & munificus, quā profusus. Qui in Concilio
Senensi ad reuniendā Ecclesiam Dei, tunc scissam,
L 3 magnis

magnis conatib. iudauit, nondum ab Ecclesia Cra-
couienſi. detrusus: & magnificū illic ducendo ſta-
tum, ſamam & nobilitatem Regis Poloniae, nota-
biliter diffudit: cui Sepulchrum Chriſti, incuna-
bulaq; eius, & praeſepe, terram quoq; Sanctā Chri-
ſti cruore rubricatam, & Ciuitatē Sanctam Ieru-
ſalem videre mortalibus oculis contigit. Hic cum
annis vix duobus in Ecclesia Poſnaniensi ſediſſet,
ſenio & laboribus grauatus, in ægri tudinem inci-
dit: quam cum menſibus aliquot pertuliſſet, tan-
dem morbo inualeſcente, in Curia Episcopatus
ſui Cyazym, Anno Domini Milleſimo Quadrin-
gēteſimo quatuordecimo, die vltima Septembris,
omnibꝫ Sacramentis reſioſè perfunctus, diē obiit;
& in Poſnaniensem Eccleſiam relatus, illic accepit
Sepulturam.

Priusquam autem animā exhalaret, Vladislaus
Poloniae Rex, qui in propinquo agebat, audiens
illum grauiter ægrotare, & intelligēs ac in animo
ſuo reuoluens, quantum facinus in Pontificē Dei
commiſiſſet, ad illum perſonaliter in Cyazym ac-
ceſſit, & flexis genibus antē virum Dei, in grabba-
to decumbentem, culpam ſuam ſimpliciter pro-
feſſus, delictum in eum commiſſum, humiliter ſi-
bi petiuit indulgeri. Tum ille; Tibi inquit, Sere-
niſſime Princeps, faciliter omnē meam offeſam
indulgeo, ſciens te nō ſuapte, ſed inſtigatione am-
bitioſa


bitioſa & maleuola, in meam deiectionem pertra-
ctum eſſe; deiectionem tamen meum, in iudicium
Diuini iuſtū voco. Sic fatus Regem dimiſit fle-
tibus perſuſum, fletibus & ipſe madens. Habitū
eſt autem pro explorato, certo, & cōperto, quōd
ſi praeſatus Petrus Wyſz Episcopus, dies ſuos vſ-
que ad tempora Concilij Conſtantiensis, quōd in
Anno ſequenti mortem ſuā captū eſt agi, dies ſu-
os produxiſſet, cum magna ſua gloria, & deiectionis
ſui Alberti Iaſtramyec ignominia, ad Sedem
Cracouiensem fuiſſet reſtitutus. Dolebat enim
vniuerſus Cardinalem cōtus, dolebant & vniuerſi
patres conſcripti, in Concilio Conſtantiensi prae-
ſentes, & qui illius conditionem nouerant in Con-
cilio Senenſi, virum tam inſignem, à Sede ſua tam
indignē & iniuſtē pulſum fuiſſe. Quapropter etiā
morte ſua ſequuta Concilium Conſtantiē. Epi-
ſcopo Anglicano inſtigante, Albertū Iaſtrabyec
citauerat ad depoſitionem & priuationem, niſi
Wladislaus Poloniae Rex, frequentibus in-
terceſſionibus ſuis, abſolutionem

ſibi à Concilio impe-
traſſet.



ANDRE-

ANDREAS II. dictus
Lyaskarz.



Acatione Posnaniensis Ecclesiæ & electionis die, sub præsentia Vladislai Secundi Poloniæ Regis tunc Posnaniæ agentis, incidente, accessit ipse Vladislaus Poloniæ Rex personaliter Capitulares, & mitra deposita, vnum ex quatuor, videlicet aut Alexandrum nepotem


nepotem suum ex sorore Ducem Maloniæ nuntium Semovviti, aut Dominum de Skrzyn Vicecancellarium Regni Poloniæ, aut Andream Lyaskarz Decanum Cracouiensem, & Præpositum Vladislaviciensem. aut Ioannē Pella, Præpositū Cruszviciensem. eligi deposcebat. Capitulares autem habito inter se tractatu, præfatum Andream Lyaskarij de Goslavvice, conformiter quasi inspirati eligunt absentem, & Budæ tunc eum alijs Procuratoribus. Regijs negotia Regni Poloniæ contra cruciferos apud audientiam Sigismundi Romanorum & Hungariæ Regis, in quem pars vtrique de alto & basso compromiserat, promouentem. Qui nobilis genere de domo & familia Godzamba, ex patre Lyaskario & matre Dorothea ortum duxit & genus. Hic inter alios Ambascatores Vladislai Regis & Regni Poloniæ in Concilium Constantiense destinatus, celebris opinionis & vitæ Pontifex habebatur. Electionem autem suam quamvis Canonicam & conformem, non nisi Ecclesia Dei unita & Martino Quinto in eodem Constantiensi Concilio, in Summū Pontificē indubitātū electo, distulit confirmari, sacerdotium suū pollutum iri rat, si schismate durante, Prouisionē ab vno ex cōtendentibus de Papatu accepisset. Vir simplex & pudicus: vitæ quoq; castæ, nitidæ, & exēplaris. Magnæ patriæ amator, & qui nihil sciret adūbrare. Raræ
M insuper

insuper religionis in Deum; pietatis verò singularis in pauperes. Hic relicto Episcopatu, monasticam vitam, apud Monasterium Austriæ Mellicum agere decreuerat successoremque sibi in Posnaniens. Ecclesia, aut Magistrum Kozlovski Sacræ Theologiæ Professore de domo Vulpiū, aut Mirosslaum Præpositum Gneznensem designauerat: sed cum neque Martinus Papa Quintus cessionem suam reciperet; neque Vladislaus Polonia Rex in Nicolaum Kozlovski aut Mirosslaū consentiret, Anno Domini M.CCCC.XXVI. die xxv. Augusti, in paterno castro Goslavice, quod Episcopus existens latere murauerat dum Annis xv. Mensib. vij sedisset. Ecclesiasticis Sacramentis Viaticatus moritur, & in Ecclesia Posnaniens. sepelitur.



MIRO.

MIROSLAVS.



Quamvis autem post mortem Andreæ Lyaskarij Posnaniensis Episcopi Capitulum Posnaniense pro electione futuri Episcopi diem dixisset certum, illa tamen veniente, quoniam Vladislaus Polonia Rex Stanislaum Cyolek Cantorem Cracouiens. & Regni Poloniae Vicecancellarium, missis specialibus nuncijs eligi


M 2

vehe-

vehementer, additis minis & terroibus, deposebat: ab omni electione se tunc continuit. Ex post verò cedendo Regio furori ipsum elegit. Interim verò Martinus Papa Quintus, Romæ Mirosłao Kelczonis Preposito Gnesnensi, & Canonico Posnaniensi, tunc suo Datario, iure suo Apostolico prouidit, & in Episcopum Posnaniensem consecrari mandauit. Qui nobilis de domo Nalancz Decretorum Doct̃or, ex patre Kelczone de Brudzewo, & matre Elizabeth genus duxit. Obstante autem Wladisłao Poloniæ Rege, nullatenus possessionem Ecclesiæ Posnaniensis habere potuit, licet Martinus Papæ multum efficacissimas litteras pro eo destinasset. Tandem contentione huiusmodi inter Papam & Regem biennio propè vigente, præfatus Mirosłaus Episcopus Posnaniensis, cum annis duobus sedisset, Romæ morte substractus est Anno Domini Millesimo Quadringentesimo Vigesimo Septimo, die Vndecima Mensis Februarij Pontificatus Martini Papæ Quinti Anno Decimo: & apud Ecclesiam Sanctæ Mariæ de Populo, in parte dextra altaris maioris sepultus.

STA-

STANISŁA Vsdictus Cyolek.



Bsumpto apud Urbem Mirosłao posnaniens. Episcopo, Vladislaus Rex Poloniæ, missis specialibus ad Martinum Papam Quintum Nuntijs & litteris, Stanisłao Cyolek Regni Poloniæ Vicecancellario Cantori Cracouiensi, de Ecclesia Posnaniens. obtinuit non sine magnæ difficultatis interpositione prouideri. Cui de eodem Episcopatu Anno Domini
M 3 M.CCCC.

M. CCCC. XXVIII. die viij Aprilis fuit Romæ prouisum, & ipse ex post per Sbigneū Episcopum Cracouiensem Anno eodem M. CCCC. XXVIII. die Solis xxix Augusti in præsentia Vladislai Regis, in Monasterio fratrum Minorum in Noua Ciuitate Korczyn, in Episcopum est consecratus, genere: nobilis de domo & familia taurorum seu Cyolkonum, ex terra Sandomircensi & oppido Zelechovv, ex patre Stanislao milite robusto de Ostralka Palatino Warsauien. Poëtica arte naturaliter pollens, propter quam in illum Vicecancellarius Regni, licet ingenio parum valeret, & in iocos leuitatesq; nonnullas foret procliuis, fuit collatus. Sedit annis circiter X. mensib. vj. & Año Domini M. CCCC. XXX. viij die xvij Nouemb. apud Posnaniam moritur, apud Ecclesiam eandem Posnaniē. sepultus. In facetias procliuis, in arte Poëtica studiosus: multos libros insignes, & nobilia Clenodia Ecclesiæ Posnaniē. reliquit: in omni tempore quæ Pontificabatur illum morem obseruans, vt cuicumq; personæ, nec probatæ, sed nec alias visæ vacationem cuiuscunq; beneficij nuncianti, & illud sibi conferre petenti, nulla deliberatione præmissa conferret. Solus hic ex Pontificibus Poloniæ Ecclesiæ Concilio Basiliensi intereat, magnificumq; statum iutenens, et æxæquias Vladislao II. Poloniæ Regi, Año Dñi M. CCCC.


M. CCCC. xxxiij. vltima Maij apud Grodek morienti, liberales exequias sumptib. proprijs (Regius enim Ambasciator inter alios erat, celebrauit. Multas aduersitates ex Basileæ rediens à Iudice Posnaniē. Abraham de Zbaszino, de domo Nalancz pro eo, quod cum tanq; fautorem hæresis Bohemicæ, & sacerdotes rebelles & hæresim Bohemicam disseminantes in Sbaszino commorantes, excommunicabat, passus: adeo vt insidias quæ sibi structæ erant, euitaturus, in Cracouiē. vrbe securus aliquanto tempore habitaret. Huius Pontificis, si bene considerare velis, & promotioni, & fato, octauus subseruiebat numerus. Nam & Anno Dñi M. CCCC. xxviij. & viij. die Aprili. n. Episcopū Posnaniē. sequuta fuit & confirmatio suo & consecratio: Año verò Domini M. CCCC.

XXXVIII. die xvij. Mensis Nouembris prouenit, extinctio. &c.



ANDREAS

ANDREAS III. dictus BNINSKI.



Epiphaniae festo, in diem Solis tunc sextam Ianuarij cadente, in Annum futurū videlicet M.CCCC. XXXIX. pro quo Comitia Pontificalia per Ioannem Pella de Nyé-Wysch, Decanum Vladislauensem, Canonicum & Administratorem Posnaniensem, indicta erant adueni-

adueniente; bifaria electio, via scrutinij procedendo, celebrata est. Wyszota enim de Goika Præpositus, Matthias Dryia Decan^o, cum nonnullis alijs, Nicolaum Lassoczki Decanum Cracouiensem nobilem de Armis Dolanga; præfatus verò Ioannes Pella Administrator, cum maiori parte Capitularium Andream de Bnin Secretarium Regium, Cantorem Lenciciensem & Canonicum Posnaniensem. eligunt: & quamuis Vladislaus Tertius Poloniarum Rex, suis litteris pro Nicolao Lassocki, apud Eugenium Quartum Papam Bononiæ tunc agentem intercessisset, ipse tamen Eugenius, nuncijs Andreæ Bninski, videlicet Ioanne Luthkonis, & Ioanne Tywardovvski Canonicis Posnaniensem. sollicitantibus, neglecto Nicolao Lassocki, cui propterea quod partes Concilij Basiliensis promouebat, erat infensus, Andreæ Bninski die Lunæ vigesima prima Mensis Iulij Año eodē, in Bononia de Ecclesia Posnaniensi prouidit. Qui Anno subsequenti per Vincentium Archiepiscopum Gnesnensem. in Dominica Quinquagesimæ, in Ecclesia Collegiata Callissien. fuit in Episcopum Posnaniensem ordinatus: licet insuper Nicolaus Lassoczki Decanus Cracouiensem, appellationem à provisione huiusmodi ad Conciliū Basiliense interposuisset, non tamen fuit illam prosequutus. Fuit autem præfatus Andreas Bninski natione Polonus

N ex op-

ex oppido Bnin, ex patre Nicolao & matre Margarita, nobilis de armis Lozia ortum ducens, vir modestus, & mansuetus, staturæ brevis, capillo nigro, vitæ pudicæ & nitidæ, in clericos impudicos, suæ Ecclesiæ suæq; Dœcesis parum seuerus & rigidus: multorum tolerans scandala & vitia, ne illos sibi efficeret infensos. In fratres & nepotes lasciuus: quibus cùm multa bona temporalia de facultatibus Ecclesiæ coëmisset, domum suam, genus & familiam amplificaturus, retulit exinde fructū acerbum, & vidit adhuc viuens, bona cōēmptra, nepotibus morientibus, ad generos, in extraneas domos deuoluta. Fabricauit is castrum nobile in Crobya, ex coctis lateribus. Item Ecclesiam Sanctæ Mariæ collegiatā, & Curiam Episcopalem in Posnania: item Ecclesiam in oppido Dolsko. Item Ecclesiam in Kozlovv: item Ecclesiam in Bnin: item Ecclesiam in Crobya. Sub eius quoque Pontificatu, Nicolaus Kopidlovski miles de Armis Drya, fabricauit etiam ex cocto latere in oppido Episcopali Slessino pulchram Ecclesiam. Item Ecclesiam in villa sua Episcopali in Masouia in Sdbikovv. Item in oppido suo patrimoniali in Szmigel. Abraham Sbarski Iudicis Posnaniensis de Armis Nalancz improbos & erroneos conatus, extollentes sc contra religionem Christianam, brachio germanorum suorum Pe-

tri & Alberti, compescuit: & tam fidei, quàm sui prædecessoris, Stanislai Cyolek, iniuriam vindicauit. Præfati siquidem hi duo nepotes sui, Petrus & Albertus, familiæ numerositate glomerati, & Prætorium Posnaniense ingressi, præfatum Abraham Sbarski Iudicem, inter alios Maioris Poloniæ Barones ad mensam confidentem, probris vituperijsq; ad quæ nec mussitare audebat, aggressi, exertos mucrones in caput illius vibrauerant, proculdubio necaturi illum, nisi caput sub mensam celerrimè condidisset. Intelligens insuper septem Presbyteros suæ Diœcesis labe Hæretica inquinatos virus Bohemicum in oppido Sbarschin, prædicationibus suis ad populum sub tuitione & defensione præfati Abraham publicè defendere, cum nongentis armatorum equis, habens in suo comitatu patrum Germanum Petrum de Bnin Castellatum Gnesnensem, aduenit, & portas oppidi clausas offendens, illud vallauit, nec prius obsidionem soluit, donec, duobus sacerdotibus pestem hæreticam dogmatizantibus, per fugam eua dentibus, quinque residui illi præsentati sunt: quos exinde in Posnaniam deductos & de hæresi conuictos, igne publico damnauit. Liberalis fuit & munificus in pauperes ac inopes: utpotè qui & virginibus pannosis dotes, viduis orphanis,

N 2 & ali.


et antiqua calamitate oppressis pecuniarum solatia,
clandestina administratione, præbebat. Liberalis
itidem in suam Posnaniensem Ecclesiam: qui illi
duos calices aureos, quinque casulas de Axamen-
to auro intexto, cum crucibus latis & amplis mar-
garitis unionebusque ornatas. Item plures casulas ex
purpuris variis donavit. Liberalis & ut verius
dicam, prodigus in omnes suæ Diocesis Ecclesi-
as, ea singulari largitione, quæ de nullo unquam
Pontificum, Regum & Principum legitur, reful-
gens: qui pro Anno quolibet, quibus præsidebat,
calicem fabricabat argenteum, quo per annum v-
num unus, alicui pauperi Ecclesiæ illi lapsa anno
donabat: & sic faciebat per singulos annos, qui-
bus gerebat petalum Pontificale. Propenior
is fuit in consanguineos quam Pontifici congrue-
bat, quibus possessiones Ecclesiæ committebat
gubernandas, à quibus, eo dissimulante, coloni usque
ad destructionem nonnullarum villarum, oppri-
mebantur. Cum autem annos triginta octo, men-
ses sex in Ecclesia Posnaniensi cum pietate sedif-
set, plenus bonis operibus & eleemosinis, annos
duo de octoginta vel circa natus, non aliquo mor-
bo sed fractu senio, Sacramentis Ecclesiasticis mu-
nitus, testamento condito, admonens Canonicos,
ut omni humano & Regis timore deposito, meli-
orem in locum suum ad Pontificatum deligerent,
inter

inter se charitatem servarent, scandala vitarent;
statuta quæ iurarunt observare, tenerent, & non
ut sæpè contingebat, violarent; cum magno Cle-
ri & populi Posnaniensis ac totius Diocesis luctu
& deliderio, in domo Domini Custodis Posnaniensis
circa Ecclesiam sita, die Martis quinta Ianuarij,
Anno Domini M. CCCC. LXX. IX. hominem exiit,
& in Capella S. Andreae die Saturni Nona Mensis
eiusdem, honore Pontifice digno sepelitur, in se-
pulchro quod sibi ante annos viginti, cogitans se
semper moriturum; de marmore, aurichalco su-
perducto elaborari iusserat. Capellam autem præ-
fatam, ab alijs fabricatam, ipse Sancto dedican-
tat Andreae, & dotem in eam contulit de Mensa
Episcopali, & pluribus ornamentis eam vivens in-
signiuit. In sepulchro eius huiusmodi exstat du-
plex inscriptio:



HIC IACET SEPULTVS ANDREAS
DE BNIN. EPISCOPVS POSNA-
NIEN: CANONICE PER CAPITV-
LVM TEMPORE SERENISS: PRIN-
CIPIS D. VLADISLAI HVNGARIÆ
ET POLONIÆ REGIS ELECTVS ET
PER R. P. VINCENTIVM ARCHIEP.
N 3 GNESN:

GNESEN. ET PRIMATEM CONSE-
CRATVS. ET QVIA HI TRES PIE
ET MANSVETE VIXERVNT V-
NUM AVE MARIA DEVOTE PRO SE.




A L I A.

H IC SEPVLTVS IACET PATER
REVERENDVS IN CHRITO
ANDREAS D. G. EPIS. POSN. AN-
NO DNI. M. CCCC. LXX. IX. DIE
MARTIS IN VIGILIA EPIPHANIE. ORI-
VNDVS DE BNIN. CVIVS ANIMA VI-
TAM HABEAT PERPETVAM ET RE-
QVIESCAT IN SANCTA PACE. QVIA
COMPATIENS ATQVE BENIGNVS DO-
NANTE DOMINO SEMPER EXTITIT.



VRIEL

VRIEL DE GORKA.



DIES Benedicti Confessoris, quæ fuit
dies XXI. Aprilis Mensis, & in Domi-
nicam Quadragesimalem Latere ca-
debat, Prælati & Canonici Posnaniens. ad cele-
brandum Generale Capitulum, pro eligen-
do futuro Pontifice, in frequenti numero
conuenerunt. Interfuit & diei illi Iacobus
Gneznen. Archiepiscopus, ab Vrielle de Gorka
Præpo-

Præposito & Administratore Posnaniensi, & à
toto Capitulo Posnaniens. quò per præsentiam su-
am omnes diuisionis in electione euitaretur mon-
struositas, inuitatus. Interpositæ enim in animis
• eligentium, vafra quædam suggestiones, adhorta-
• tiones, & ingenia fuerant, sub nomine Regio fa-
cta, vt non alius quàm Stanislaus de Kuroszvvan-
ki Regni Poloniae Vicecancellarius postularetur.
Qua re turbati Capitulares cõsiliij inopes, ad Iaco-
bum Archiepiscopum Gnesnens. recurrunt; cuius
persuasione roborati animatiq; Vrielem de Gorka
præfatum Administratorem suum, Gnesnensem &
Posnaniensem Præpositum, Canonicum Craco-
uiens. Apostolicum in Regno Poloniae Collecto-
rem, per viam inspirationis vt asserebant, eligunt:
quamuis iam fuerit dudum antè in Conuentione
generali Petricouienſi pro Octaua Epiphaniarum
quæ fuit xij. Ianuarij tenta, per Kasimirum Polo-
niae Regem, iure suo Regio in Posnaniensem Epi-
scopum publicè designatus. Cui etiam ad petiti-
onem Lucae de Gorka Palatini Posnaniensis paren-
tis sui, litteras exspectatiuas patentes, pro conse-
quendo huiusmodi Posnaniensi Episcopatu quam-
primùm vacaret, secundum quod fama vulgaue-
rat ante annos aliquot, asserebatur concessisse.
Nobilis hic genere natione Polonus de domo &
familia Nauium, ex patre Luca, Palatino, vt præ-
diximus

diximus Posnaniensi & matre Beatrice filia Do-
brogostij de Schamotuli Castellani Posnaniens. vir
gracilis, oculis nigris, statura mediocris, crispatū
coma habens caput, in consanguineos & ipse la-
sciuius, epilepsi & pluribus alijs ægitudinib⁹ ob-
noxius. Qui missis ad Sixtum Papam Quartum
proprijs nuntijs, videlicet Nicolao Sebastiani
Canonico Posnaniens. electionem suam die xxvi.
Mensis Maij confirmari eodem Anno obtinuit,
per Iacobum Gnesnensem Archiepiscopum ad
Sedem Posnaniens. die Solis xxii. Septembris in
Ecclesia Posnaniensi benedictus.

Huc vsque Seriem Episcoporum Posnani-
ensium Ioannes Dlugosius aliàs Longini,
Canonicus Cracouiens. perduxit: qui Anno
Domini M. CCCC. LXXX. die xxix. Maij,
diem clausit extremum: Quæ sequuntur, ea
nobiscum Reuerendiss. D. Iacobus Brzez-
mezki Suffraganeus Posnaniensis communi-
cavit.

Vriel de Gorka Præpositus Gnesnens. & Posna-
niensis in Episcopum electus est die Solis, 21.
Martij. Anno 1479.

Mors bonæ memoriæ Reuerendissimi Dñi
Vrielis de Gorka Episcopi Posnaniens. Anno M.
CCCC. XC. VIII. die xxiii. Ianuarij aliàs in pro-
fecto

festo conuersionis beati Pauli Apostoli, memorā-
 tus Dñs Vriel Episcopus Posnaniē. in tenuibus
 & in oppido dicto Vari, Cecinensi Diocæsis Pro-
 uinciæ Pragen. mortem obiit, cuius corpus alla-
 tum & sepultum est in Ecclesiā Cathedrali Posna-
 niē. feria quinta ipso die beati Petri ad Cathedrā,
 aliās xxii. Februarij. cuius sepulturæ interfuerunt
 Prælati & Canonici Ecclesiæ Posnaniē.

In monumento eius ex aurichalco elabora-
 to, hæc excisa sunt:


Presulis hoc sita sunt Vrielis ossa sepulchro.
 Qui fuerat gentis stella corusca sue
 Gloria Pontificum Regni decus hic, & alumnus
 Virtutis, sanctæ & Religionis honos.
 Gorka ortus patria, Palatino Stemmata natus;
 Clarior e claris ipse refulsit auis.
 Quorum inter tumulos iussit situare sepulchrum,
 Iuncta ut cognatus ossib. ossa forent. Anno Domini 1498.

Sub effigie eius marmorea hæc sculpta sunt
 Anno Domini 1578.

ILLVSTRIS AG REVERENDVS D.
 VRIEL COMES A GORKA EP. POSN.
 VIR PIVS ET MVLTAR: ECCLESIAR.
 FVNDATOR ET LOCVPLETATOR. SE-
 NATOR PRÆCLARVS ET DE FAMILIA
 SVA OPTIME MERITVS OBIIT ANNO
 M.CCCC. XC. VIII. xxiiii. IAN.

IOAN;

IOANNES VII. dictus LV-
 DBRANSKI.



Ortuo olim Beatiss. Patre Dño Vriele de
 Gorka Episcopo Posnaniensi, successit
 feliciter Reuerendiss. Dñs Ioannes Lud-
 branski, Decretorum Doctor postulatus & tran-
 slatus de Ecclesia Plocensi, ad Ecclesiā Posnaniē.
 Hic nobilis e familia Godzyembarum quæ pinū
 N 2 pro

pro insigni defert, ad Ecclesiam suam in Civitate
Posnaniensi solennem ingressum habuit, Anno
Dñi 1499. die 24. Ianuarij. Postea Anno Domi-
ni M. D. I. ad Alexandrum electum Poloniae Re-
gem, cū Andrea Rosa Archiepiscopo Leopoliēsi,
ceterisq; magnatibus, Brestā missus, iusiurandum
ab eo & proceribus Lithuanis, de seruandis pa-
ctis conuentis exegit, & regnum ei detulit. Anno
verò M. D. XIII. Sigismundum I. Poloniae Re-
gem Posnaniae splendidè excepit & lautissimè
tractauit: cūque ibidem Barbara Regina, filiam
Hedwigim (quæ postea Ioachimo Marchioni
Brandeburgen: nupsit) esset enixa, magni ponde-
ris & pretij, aurea, & argentea vasa, ad puerperium
ipsius cohonestandum eidem liberalissimè dona-
uit. Anno M. D. XV. hunc ipsum Sigismundum
Poloniae Regem ad celeberrimum illum Cæ-
saris & Regum Viennensem conuentum, hono-
rificè comitatus est. In Senatorio suo munere
obeundo, vir diligens & patriæ amantissimus fu-
it, prudentia, doctrina, & consilijs optimis abun-
dans: in eo tamen reprehensione non caruit, quòd
impatiens & in excandescentiam adeò propen-
sus fuit, vt vel minimis rebus in Senatu offensus,
valdè morosum, & quandoq; ridendum etiam se
alijs præberet: Sed naxum hunc, naturæ bonitas,
vix integritas, & laudatissimæ in functione Epi-
scopali

scopali partes, facilè obliterabant. In pauperes, &
egenos scholares præsertim, liberalissimus; ab
omni fastu & elatione remotus. Opera publica
multa & egregia, ad posteritatis memoriā trans-
misit. Cathedralis Ecclesiæ ambitum, Curijs
Canonicorum & ædibus Vicariorū inclusis mu-
ro cinxit: ipsam Ecclesiam laminis cupreis textit, &
multis in locis restituit: paramentis, ad Diuinum
cultum decentius peragendum, auro, gemmis, &
lapidib. preciosis exornatis, eandem locupletauit.
Gymnasium pro studiosis ædificauit. Templum
Diuo Stanislao, cum adiuncto S. Gertrudis hospi-
tali, vbi nunc Patres Societatis IESV Collegium
habent ædificauit. In oppido Casimiriensī ad me-
moriā S. Ioannis qui vnus erat è quinq; fratri-
bus Martyribus Polonis, egregiam Ecclesiam &
Monasterium F. Minorum de obseruantia con-
struxit, plurimasq; per Diocesim suam Ecclesias
restaurauit, & rebus necessarijs instruxit. Vir pla-
nè sempiterna memoria dignus. In cuius insignia
Andreas Cricius, Poëta insignis, qui postea fuit
Archiepiscop⁹ Gneznenſis, tali epigrammate ele-
ganter lusit;

*Ille ego sum nitidus pulcherrima pinus in hortu:
Me nunquam Boreas aut fera mutat hyems.
Clara fui cum me Pan gesit: clarior at nunc,
Quando Pontificum gloria magna gerit.*

Talis ac tantus Pontifex, cum in ore omnium & admiratione versaretur, ætate & laboribus pro Ecclesia & Republica confectus, in oppido suo Episcopali Bucouienſi, magno ſui apud omnes deſiderio relicto, Anno Domini M.D. XX. feria quarta infrà Octauas Aſcenſionis, placidè in Domino obdormiuit: cuius corpus ad Eccleſiâ Cathedralẽ Poſnaniâ relatum, lapideo monumento, quòd ſucceſſor ipſius Reuerendus D. Petrus Tomicki extruxit, conditum eſt; cum inſcriptione huiusmodi.


IOANNES DE LVBRANCZ EPISCOPVS
POSNANIENSIS DIVINIS ET HVMANIS
LITERIS IVRIBVSQVE AC SINGVLARI
PRVDENTIA ET MAGNITVDINE ANIMI
PRÆDITVS DE REPVBLICA DE ECCLE-
SIA SVA DEQVE PAUPERIBVS ET STV-
DIOSIS OPTIME MERITVS DECESSIT
ANNO ÆTATIS SVÆ LXIIII. SALVTIS
M. D. XX.

PETRVS DE THOMICZE CRACOVIVS:
ET POSNANIENSIS EPISCOPVS AC R. P.
VICEANCELLARIVS SVCCESOR PO-
SVIT.



PETRVS

PETRVS TOMICKI.



Petrus Tomicki ex antiqua & Nobili familia nauium, vir ob eruditionem, prudentiâ, & vitæ integritatē Regibus Poloniae cum primis charus, cum eſſet Episcopus Premisliensis & Regni Vicecancellari⁹, mortuo Ioanne Lubranski Episcopo ad Poſnaniẽſem Eccleſiâ translatus eſt. Fuit inſignis elegantiorū ingeniorū fautor, & patron⁹: præcipuè verò Magni illius Stanislai

nillai Hofij, qui gentem Polonam, ad Cardinali-
tiam dignitatē euectus, mirificè illustravit, in mi-
noribus, promotor præcipuus. Mores illius, &
laudatissimo Senatore dignas dotes, Andreas Cri-
cius, præstantissimus Poëta, egregio Encomio ex-
pressit, quod hîc apponere visum est.

Magnanime Antistes, tota spectabilis ora
Quam vaga septeno circum Vrsa boue.
Quæ tibi nascenti fulserunt sidera, vel quæ
Illuxit patria stella benigna tua?
Cum te fluctuagæ nauclerum è stemmate Cymbæ
Regni ut dirigeres fata dedere ratem.
Cui pulchrum charites vultum, cui pectora Pallas,
Doctaq; cui format Nuntius ora Deum.
Castalio puerum lauit quem fonte Thalia,
Cæsaris atq; Iouis cui sacra iura patent.
Quem raro exemplo virtus euexit: at vno hoc
Vicit fallaces ambitionis opes.
Cui cum Pontificis, cum publica functio regni
Cessit ut hic demum est conspicienda fides?
Res perrara quidem, sed in ampla rarior aula:
Cumq; bonus raro est, dum licet esse malum.
Te tamen utile nil, nec amici caussa, nec hostis,
Cum licet, à recta flectere lance queunt.
Plus bona, quam priuata, tibi sunt publica cura,
Et studium in patria dirigit omne decus.
Negligis in tantis opibus solatia vitæ:
Non est cura grauis, pro pietate, tibi.
Cum timeant dites alij, tibi lingua benigna est,
Et faciles aditus, qui venit, omnis habet.

Non

Non venaris iunios, nec capras, uenas, nec amant
Vulgi, corq; aufert, dira nec ira tibi.
Si qui obstare tuis meritis laudiq; videntur
His nocuisse potes, nec nocuisse cupis.
Qui prodes cunctis, agis omnia corde fidelis
Firmus amicitia, firmus es officio.
Nec delator habet quo te corrumpere possit.
Anxia nec versat pectora suspicio.
Defendis miseros, procuras præmia dignis:
Nullus est verbo, fors male versa, tuo
Non litis turbas uicies, internaq; bella
Quæ linor, fastus, ambitioq; parit.
Laus minor est fateor, malè non gessisse: sed istis
Proh dolor, in nostris maxima temporibus.
Omnia cum sursum miscentes atque deorsum
Tendimus in præceps nec mala nota monent.
Sed cum te ex animo seruum, clarissimus orbe
Rex Sigismundus habet, consilioq; suo.
Cum te suspiciunt cuncti, super æthera tollunt,
Qui norunt rectum quid sit, & esse volunt.
Cumq; tuas animi dotes mirantur, & ipsas
Corporis externi: fama q; lata tua est.
Expedi, ut nimium meritis & sanguine nostra
Debita Musa tibi parcius ista canat.
Ne minuat laudem deuinctio tanta clientis,
Extenuentq; suam scripta propinqua fidem
Sed quod communes voces, quod & ipsa precatur
Publica res, cuius pars quora & ipse, precor.
Vine decus patria, nec te nisi sera senectus
Auferat, & dignis mors inimica viris.

Idem Poëta, factus iam Secretarius Regius,
cum Episcopus Tomicius, quem auunculum su-

P

um vo-

am vocat, apud Ecclesiam Posnaniensem verla-
retur, Aulæ querela ob absentiam eius introdu-
cta, insigne tanti viri probitatem, sequenti carmi-
ne prædicat:

*Aula tui, Prasul magni, dignissime, Regis
Abduxisse meum te queror omne decus,
Hei mihi quisquis adest, qui te presente videbat,
Vix bene me quod sim Regia, nosse potest.
Omnia sic sine te prorsus mutata videntur,
Nec quod se tutò conferat hospes habet.
Consilium friget, frigent responsa, forumq;
Per rabulas solis vertitur omne dolis
Harpyæ satagunt pestes, tetriq; Simones,
Perdita nunc technis libera vota suis.
Ipsa autem virtus veluti canis vda subintrans
Balnea, me visens hiscere spera nequit.
Discedunt hominum querula sine fine cohortes;
Nec uni pietas & tua sæpè subit.
O quoties alta prospectans tristis ab arce
Et tua clausa domus atria celsa videns,
Quæ patuere prius magnis repleta catervis,
Diuitibus, miseris, hospitibusq; viris.
Tota platea, mihi mæsta ac deserta videtur,
Et Dominum tacita voce vocare suum.
Ipsa etiam mea damna videns, sine Praside, tanto
Vix possum lachrymas continuisse meas.
Te rogo, quem merito cumulaui semper honores
Et tibi iam toto nomen in orbe dedi.
Tolle moras reducemq; mihi te redde cupitum,
Hoc ego, & hoc tua te patria tota petit.
Non fuit hac ullus tam laetus in urbe triumphus,
Quam fiet reditus nunc, mihi crede, tuus.*

Regis

Regis igitur aula, tam desiderato Vicecancel-
lario diu carere non potuit. Nam quemadmo-
dum antea à Premisliensi ad Posnaniensem; ita à
Posnanienfi ad Cracouiensem Episcopatum An-
no Dñi M. D. XXIIII. mortuo Conarscio
Episcopo translatus est: quo in loco constitutus,
nihil maiori studio allaborabat, quàm vt sibi vi-
ros doctos & egregios, qui sibi in publicis mune-
ribus obeundis adiumento essent, adiungerent:
vndè & Petrum Miscouium (postea Episcopum
Cracouiensem.) humanitate sua eò pertraxit, vt à Io-
anne Laralski Gnesnensi Archiepiscopo defici-
ens, in illius se familiaritatē daret: qui mutationē
hanc sibi plurimum profuisse, Cancellariatu &
Canonicatu Cracouiensi auctus, lepido dicto te-
statur: quod Cricius ita carmine reddidit;

*Ampla dum puppi veherer, per vasta vagabar
Æquora non aliter quàm vagus Æolides.
Vt primum exilem licuit conscendere Cymbam
In portum veniciam ratis ampla Vale.*

Cum in Sede Cracouiensi annos ferè vnde-
cim, magna cum sui nominis gloria, exegisset,
Anno Dñi M. D. XXXV. feria sexta antè festum
Omnium Sanctorum, mortuus quemadmodum
in Posnanienfi, ita & in Cracouiensi Episcopatu
Ioannem Latalscium, successorem habuit.

P 2

IOAN-

IOANNES VIII. dictus
LATALSKI.



Petro Tomicio ad Episcopatum Cracouiensem translato, Ioannes Latałski, gente Pravvditarum & antiqua familia, quæ Comitum de Labiſino titulum gerit, oriundus, in Episcopatu Poſnaniensi ſucceſſit. Qui primùm Secretarius Regius, poſtea Regina Elizabethæ

zabethæ Cancellarius factus, ampla & luculenta Sacerdotia obtinuit. Nam vno eodemque tempore Gneſnenſis, Cracouienſis, Poſnanienſis, & Lancicienſis Præpoſitus fuit. Aspirabat tunc ad hunc ipſum Episcopatū Poſnaniensem Andreas Cricius, vir inſigni eruditione, facultate præſertim Poëtica excellens; ſed fauore Regina Bonæ, cuius nutu ac renutu tunc plerumq; Nominationes Regiæ peragebantur, hunc ipſum Ioannem Latałski, ſibi antelatū adeò moleſtè tulit, vt ſcriptis ad Regina epigrammatibus eum Bromium ſiue Bacchum nominaret, eò quòd propter bibacitatem iam antea paſſim in Aula, Kuſſel vocaretur. Se verò Phœbo aſſimilans, querebatur, iudicio Palladis (ſic enim Regina vocabat) à Lyæo ſuperatum. His non obſtantibus, Latałſcius Episcopatum adeptus, ſolemni cæremonia, cum magno comitatu, Poſnaniam die 17 Auguſti Anno Dñi 1525. ingreſſus, ad Eccleſiæ huius gubernacula decem annis ſedit. Poſteà verò, eadem Regina Bona promouente, ad Episcopatum Cracouiensem translatus eſt Anno Dñi M.D.XXXV. eiq; litteræ brevis Apoſtolici, antequam Gneſnā ad imponendum pallium Archiepiſcopale præſato Andrea Cricio, ex Episcopatu Ploceñ. in Archiepiſcopum Gneſneñ. ſucceſſo, mandato ſedis Apoſtolicæ Proſciſceretur, ex Vrbe allatæ fue-

tunt. Quamobrem paulo post Cracouiam prote-
ctus, possessionē Ecclesiæ adiit: quo tempore quid
accideret, Cricius tali Epigrammate expressit.

*Venerat antè aram templi Latalicius empti,
Munifico cupiens sacra litare Ioui.
In qua Stanislai argentea stabat imago
Dini Sigismundi nobile Regis opus.
Mira quidē sed vera canam: Se clausit imago
Ipsa suis tabulis nullius auxilio.
Nec satis hoc: tabulis correptus cerasi iisdem
Decidit, & laesit pontificale caput.
Exponant varij variè ista licet; tamen ipse
Exponi sensu simpliciore velim
Sobrius ebriolum timuit; ne magna phalerni
Pocula, complere cogeret ipse sibi.*

Postmodum cū Cricius hic, Archiepisco-
pus Gnesnensis factus diem extremum obiisset,
Anno Domini M. D. XXXVII. ita volente Sigi-
smundo Poloniæ Rege, in Ecclesia Metropolita-
na, illi Ioannes Lataiski successit: Atq; ita, trium
Ecclesiarū, quarum Præpositus olim fuerat, pro-
gressu temporis, Episcopus creat⁹; fortunæ blan-
dientis vicissitudines expertus est. Porro cū in
Primatis & Metropolitana dignitate triennium
exegisset, in Skvvyernyevvice die 29 Augusti An-
no M. D. XL. Ætatis suæ LXXVII. hydropisi
mortuus, & in Ecclesia Gnesnē. sepultus est. Po-
steaquam

Itaquam in illo ætas & tempus invidiam extin-
xet, iudicatus est vir singularis virtutis & huma-
nitatis, omnibus beneuolens, affabilis, in subditos
omnes excellentis pietatis, Reipublicæ amator
studiosus, & ædificiorum Archiepiscopus, partim
incendio, partim vetustate collapsorum hilaris
restaurator.

IOANNES IX. dictus, DE Ducib. Lithuanianæ.



Postea



Osteaquam Ioannes Latal. ki, ex Posnaniē. ad Cracouiensem Ecclesiam migrauerat; Illustrissimus Dominus Ioannes ex Ducibus Lithuaniae, Palatinus, & Haeres Schauvlēsis & in Ianuszovvepolyc &c. Sigismundo I. Poloniae Rege procurante, Episcopus Posnaniensis designatus est: qui Anno Dñi, M. D. XXXVII. die xxiii. Martii, ab oppido Kostrzyn in quo noctem transegerat, Ciuitatem Posnaniensem, magna Procerum & Nobilium assistentia ingressus, Ecclesiae Cathedralis possessionem adiit. Fuit Princeps egregijs animi & corporis dotibus praeditus, pietate erga Deum singulari, & virtutibus Episcopo dignis conspicuus: cumque omnium in se oculos conuertisset, ac maximam spem praeclearae administrationis, sibi apud omnes concitasset, diutina febris quartana vexatus, nondum Anno integro in Episcopatu expleto, maximo cum omnium bonorum luctu, non sine veneni suspitione, diem clausit extremum Anno Dñi, M. D. XXXVIII. die 18. Februarij. Erat staturae satis procerae, vultu decoro, & facie Heroica, quae proximè lineamentis nonnullis ad Sigismundum Regem accedebat, barba proluxa subnigri coloris. Extat inter Andreae Cricij monumenta, aenigma de eo conscriptum, in hunc modum.

Et

*Et pater, & genitrix, & Vitricus, atq; Nouerca
Dic vni atq; vno tempore qui fuerant?*


S O L V T I O.

*Vir mulierq; olim, natum genuere soluti
Nupserunt posthac, prole manente, alijs.
Hoc mirere tamen, quod vitricus atq; Nouerca,
Quam pater & genitrix, occubuerunt prius.*

Ad sensum carminis melius explicandum, sciendum est; quod Sigismundus Primus Rex Poloniae, aliquot Annis, antequam Diadema Regni consequutus esset, fuit Dux Glogouiensis in Silesia, per fratrem Vladislaum Hungariae & Bohemiae Regem, creatus: in quo principatu administrando, praecclare & cum summa Silesiarum beneuolentia se gessit. Illic agens, usus est familiariter muliere Silesitana Nobili; Catharina de Thelnic: ex qua genuit, filium Ioannem, quem postea Episcopum creauit, & scribi vocarique eum, ex Ducibus Lithuaniae instituit. Electus postea idem Sigismundus & creatus Poloniae Rex, amicam illam Catharinam dimisit. Eam Andreas de Koscyeleczech Castellanus Woyniceñ. & Regni Poloniae Thesaurarius, vir caeteris in rebus prudens, amore & consuetudine mulieris captus, matrimonio sibi copulauit, ac post paucos annos ex dysenteria mortuus est. Rex etiam ipse

Q Sigi-

baram Hungaram ex domo Trincinia, filiam
 inclyti Stephani Comitis Scepusien. Palatini
 Traſyuania, hominis prædiuitis & victorijs Tur-
 cicis clari. Quæ quidem Regina breui post co-
 rationem secundo partu filiola edita mortua
 fuit. Sic mortuis Koscielecio Vitrico, ac Nouer-
 ca Regina Barbara; superstites remansere, pater
 Rex, & Catharina mater, cum eorum filio, Ioan-
 ne, ex Ducibus Lithuania nominato; cui simul
 vni, vnoq; tempore, & Pater, & mater, & Vitricus,
 atq; nouerca fuere.



STANISLAUS II. dictus OLESNICZKI.




Mortuo Episcopo Ioanne de Ducibus
 Lithuania, datus est illi successor, Stani-
 slaus de Oleszinca, filius Ioannis Subiu-
 dicis Sandomiriensis: qui Anno Dñi M. D. XXX.
 VIII. die Solis xv. Decemb. in Schaczovv Diœce-
 sis Posnaniens. electus, à Reuerendissimo in Chri-
 sto Patre Dño Iacobo Episcopo Plocensi, astan-
 tibus illi duobus Suffraganeis, in Episcopum Po-
 snanien-

snaniensem consecratus est. Anno verò insequen-
 ti M. D. XXX. IX. Sabbatho antè Dominicam,
 Iudica, ad Ecclesiam veniens, cum optimi pasto-
 ris & Episcopi indicia non obscura dedisset, feбри-
 bus continuis exhaustus, Sacramentis Ecclesiasti-
 cis procuratus, rebusque suis legitimè dispositis,
 eodem Anno, die XXVII Aprilis, placidè in Do-
 mino obdormiuit, in Ecclesia Posnaniensi sepul-
 tus: in cuius lapideo monumento, tale incilum
 exstat Epitaphium;



STANISLAUS OLESSZNICKI VIR DO-
 CTRINA PRVDENTIA MAGNANIMI-
 TATE INTEGRITATEQVÆ INSIGNIS
 CVM ESSET HVNC EPISCOPATVM PO-
 SNANIENSEM PRO MERITIS SVIS AD-
 EPTVS SEDISSETQ. IN ILLO ANNVM
 VNVM FATOR. INVIDIA OBIIT MA-
 GNO DE SE APVD OMNES DESIDE-
 RIO RELICTO.

ANNO Dñi M. D. XXX. IX.
 DIE XXVII. APRILIS.



Q²

SEBA-



Acante sede per obitum Stauislai Oleśnicki Episcopi Posnaniensis ad nominationem Regiæ Maiestatis Anno Dñi M. D. XXXIX. die vi. Augusti, ex Episcopatu Chelmeni, in Posnaniensem postulatus & translatus est Reuerendissimus in Christo Pater, Dominus Sebastianus Braniczki, ex Nobili & Antiquissima Korczakorum familia oriundus: qui

qui anno insequente M. D. XLIII. die vii. Maij, a sponsam Ecclesiam Posnaniensem, cum amplissimo frequentiq; comitatu accessit. Vir non minus pietate, & vitæ integritate, quàm eruditione, & Iuris Ciuilis ac Ecclesiastici scientia clarus, de patria req; publica optimè meritis. Qui cum annis quattuor Ecclesiâ Posnaniensem magna cum prudentiæ laude administrasset, podagræ morbo, quo assiduè conflictabatur exhaustus, Anno Domini M. D. XLIII. Anniuersaria suæ translationis die, videlicet vi. Maij, in Oppido Laskarzewo, ad extrema deuenit: vbi Sacramentis Ecclesię debita cum veneratione perceptis, rebusq; suis ritè ordinatis, maximo cum dolore omnium, præsertim pauperum, oppressorum, & iustitiæ egentium, quorum defensorem, semper se præbebat acerrimum, liberalem, & inuictum, vitam hanc transitoriam, sicut Dño placuit, cum æterna commutauit: in Ecclesiamq; Cathedralem Posnaniensem. die v. Iunij insequentis dilatus, in Sacello Mansionariorum humatus, in pace quiescit, cum hoc Epitaphio.

HIC SEPULTVS IACET REVERENDISS.
DOMINVS SEBASTIANVS BRANICKI
EPISCOPVS POSNANIEN: MORTVVS DIE
VI. MAII. ANNO M. D. XLIII.

Item

Item in Tabella pargamenea.

EPITAPHIVM REVEREN-
DISSIMI SEBASTIANI EP.
POSNANIEN:



V qui nostra subis visurus templa viator,
Hic hic exiguo tempore siste pedem.
Conditus hoc Branicius est sub marmor Praesul,
Funera tunc quoq; sunt, rite peracta sua.
Hic postquam fuerat clarus genitoribus ortus,
Splenduit insigni mox probitate puer.
Inde arsit iuuenis magno virtutis amore,
Summaq; tunc coluit religionem DEVM.
Felix idcirco ad magnum pervenit honorem,
Atque senex factis claruit ipse bonis.
Iustitia celebris, nulli pietate secundus
Ac dulcis patriae verus amator erat.
Sapius ille cibum quos dira premebat egestas,
Pupillis miseris auxiliumq; tulit.
Hunc non ambitio, fastus non ipse movebat,
Hic nec perpetuo sollicitabat opes.
Semper dicendi studium formamq; secutus,
Et sciuit leges iuraq; Sancta forti.
Sed quoniam humanis incerta potentia rebus
Intereunt fauis ordine cuncta suis.
Quamobrem hunc statim rapuit mors pallida nobis
Et caelis animam reddidit illa simul.
Discite fortuna cuncti contemnere sortem,
Non vos incautos obruet atra dies.
Andreas Przecławski Decanus Posnaniensis,
benefactori suo

P. XV.

PAVLVS WOLSKI.




A NNO Dñi M. D. XLIIII. die ultima
Augusti, congregati apud Ecclesiā Po-
snaniensem Dñi Capitulares, ad Nomi-
nationem Regia Maiestatis, elegerunt in Pontifi-
cem Magnificum Dñm Paulum Dunin Wolski,
protestatione tamen prius facta, de animo non in-
currendi poenas excommunicationis, quod con-
tra Sanctiones Canonicas Regia Maiestas, homi-
nem

nem merè laicum & secularem illis nominauerit. Hic ex nobili & peruetusta Duninorum familia ortus, Regni Poloniae Cancellarius & Capitaneus Gostinenſis fuit. Mortua demum vxore, ex qua filios quinque, filias sex susceperat, sic vt præmittitur, ad Episcopalem dignitatem, Regijs at spicijs, peruenit: & litteris suæ Prouisionis ex vrbe allatis, ordinibusque sacris susceptis, & consecratione peracta, Anno inſequenti M. D. XLV. die xx. Mensis Aprilis, ex Oppido Srodensi, vbi nocte duxerat, solemni cæremonia Poſnaniam ingreſſus, Ecclesiæ gubernacula suscepit. Vir non tam eruditione, quam tamen mediocrem habuit, quàm vitæ bonitate singulari præditus. Qui cùm per triginta ferè continuas Hebdomadas, è feбри quotidiana, paralyſi, cæterisq; alijs varijs ac grauib; infirmitatibus, in Curia Episcopali & hypocaufto maiori atrij superioris, lecto affixus decubuiſſet. Anno Dñi M. D. XLVI. die xix. Februarij Sacramentis Ecclesiæ munitus, magno de se apud omnes desiderio relicto, deceſſit. Corpus in Cathedrali, feria quinta poſt Cineres, iuxta murum, in capite Sepulchri olim Ioannis Lubrański tumulatum, monumento caret: quod Petrus Dunin Woſki filius eius (qui & ipſe Regni Cancellarius & Episcopus Plocenſis fuit) nili morte subitanea præuentus fuiſſet, poſiturum se receperat.

BENE-

BENEDICTVS ISDBIENKI.



POST obitum Pauli Woſki Episcopi, ad diem secundum Maij Anno eodem M. D. XLVI. apud Ecclesiam, Dñi Capitulares cùm conueniſſent, ad nominationem Regiæ Maiestatis, elegerunt in Episcopum Poſnaniensem Reuerendiſſimū Dominum Benedictum Isdbinski nobilem de familia Roſarum. Qui

R

Cantor

Cantor Cracouiens. Cancellarius Gnesinens. Canonicus Posnaniens. Regi Sigismundo cum esset valde charus, virtute & probitate, ad hunc dignitatis gradum viam sibi aperuit. Factus Episcopus cum emergentem tunc Hæresim indies augeri animaduerneret, omni cura diligentiaq; providebat, ne pestiferum hoc virus, in Diocesi sua & Ciuitate Posnaniensi latius serperet: qua in re non poenitendâ illi operam nauauit Paulus Sarbinus ordinis Prædicatorum Hæreticæ prauitatis Inquisitor acutiss. Ipse quoq; Episcopus Vitæ integritate, prudentia, & tuendæ Catholicæ veritatis zelo singulari ita enituit, vt Hæreticorum conatus, vel ipsa auctoritate, quam innocentia morumq; grauitas illi conciliauerat, facile retunderet. Qui cum Ecclesiam Posnaniens. summa cum laude per septennium administrasset, Anno Dñi M. D. LIII. die xviii. Ianuarij, continua infirmitate exhaustus, feбри acuta diebus aliquot superueniente, antequam de reb. disponere posset, in sua Cyazimensi curia, è viuis sublatus est, pijs omnibus de optimi pastoris obitu, maximè dolentib. In Ecclesia Cathedrali Posnaniens. in Capella Mansionariorum in dextra parte sepultus, resurrectionē expectat. In sepulchro huiusmodi exstat inscriptio;

BENE-

BENEDICTVS ISDBINSKI EX GENTE ROSAR. D.G. EPISC. POSN. A PRIMIS HONOR. SVORVM CVNABVLIS DIVO REGI SIGISMVND O CHARVS CONSILIO ET I.V. SCIENTIA INSIGNIS IN LEGIB. REGENDIS DEXTERITATE AC IN DICENDO LIBERTATE SINGVLARI PRÆDICTVS ECCLESIAE DEFENSOR AC PROPVGNATOR ACERRIMVS ET VT IN EA ORDINE AC DECENTER OMNIA FIERENT EXQUISITISS. MORITVR ANNO AETATIS SVÆ LXV. EPISCOPATVS VERO VII. INCARNATIONIS DOMINICAE M. D. LIII. DIE. XVIII. IAN. CUI INTESTATO MONVMENTVM HOC NEPOTES SVI PIETATIS ERGO POSVERVNT.




ANDREAS CZARNKOVVKI.



Ortuo Benedicto Isdbienski, successit in Episcopatu Posnaniens. Nominatione Regia & Capituli electione concurrente, Andreas Scholasticus Cracouiens. & Illustris & antiquissimæ Czarnkovviorum, stemmatis Nalencz familia progeneratus: qui decursis primæ ætatis tyrocinijs, in Italiam profectus, Patauij primùm deindè Bononiæ, Lazaro Bonamico,

nico, vna cum magno illo Stanislao Hono Cardinali Varmieñ. (quem in omni vita sanctissimè coluit) eloquentiæ, cæterisq; disciplinis, magno



cum fructu operam dedit: vndè in patriam Anno M. D. XL. reuersus, Vilnam ad Regis aulam veniens, cùm magnum indies ingenij sui specimen ederet, ad Ferdinandum Romanorum Regem primùm, deinde ad Isabellam Reginam, collabentibus iam Hungariæ rebus, à Rege Sigismundo

ablega-

atus, hinc, cingentium dextera, p. adedò comprobauit, vt paulò post ad Pontificem Maximum ad Carolum V. Imperatorem, legatione decreta, & feliciter peracta, nomen amplissimum consequeretur. In quo fortunarum suarum cursu, absq; aliqua eius culpa, seruitorum eius nequitia, tumultus Cracouiæ exarsit, & Academia dispersa, studiosi omnes vrbe concessère: quæ res non minùs ipsum Czarnkouium, quàm Regem quoque Sigismundum Augustum, qui Cracouiæ tum præsens aderat, insigni mœrore affecit. Rebus postea compositis, post plurima seruitia Reipub. impensa, Czarnkouius Episcopatu Posnaniensi auctus, Anno Dñi M. D. Liiij. die ix. octob. ex arce Kurnik, Ciuitatem magno splendore ingressus, Ecclesiæ Cathedralis possessionem adiit: in cuius administratione, nihil in eo, præter propriâ ipsius incolumitatem, desiderabatur. Nam continuis articulorum & podagræ doloribus, vsq; ad commiserationem oppressus, quantum per temporis iniquitatem licuit, Hæresim, quæ Synagogas, per ædes Nobilium priuatas, aperiebat, oppugnabat; & cùm aperta vi, magnitati resistere minus integrum illi videretur, pacis studia sectatus, ex Academia Cracouiensi, Benedictum Herbertum insigni pietate & eruditione virum, (qui Canonatu Posnaniensi auctus, Societati IESV


R 3

postea

ponca nomen dedit) & Gregorium Samborita-
num, Professoris amplis stipendijs Posnaniam e-
uocauit: qui adiunctis sibi egregijs nonnullis viris,
in Collegio Lubransciano planè iam desolato, iu-
uentutem litteris honestis, & pietate simul imbu-
erent: ac erumpens Hæreticorum dogma, propo-
sita veræ fidei Catholicæ doctrina, labefactarent:
quod non infeliciter illi cessit, quandoquidem nō
pauci, ex nobilitate præsertim, à via veritatis aber-
rantes, Herbesti diligentia, ad Ecclesiæ vnitatem
sunt reuersi. Ad extremum Episcopus hydropisi
& febris hæctica consumptus, in Oppido patriæ
sux Czarnkovv, benè rebus omnibus dispositis,
die ix. Mensis Iulij, Anno Dñi M. D. Lxij. à Susce-
pto Pontificatu, nono, in Domino obdormiuit:
& in Ecclesia Posnaniensi in Sacello Cortzboko-
rum, quod est iuxta portā meridionalem positum,
die xi. Mensis Augusti sepultus est: in cuius ele-
ganti monumento, huiusmodi exstat elogium.

ANDREAS CZARNKOWSKI D.G. EPI.
POSN. EX ILLVSTRI ET ANTIQVIS-
SIMA CZARNKOVIOR. FAMILIA DIVO
OLIM SIGISMUNDO REGI AC FILIO
EIVS AVGVSTO CHARVS IN PRIMIS LE-
GATIONIB. CVM APVD PONT. MAX.
TVM APVD IMP. CAROLVM ET RE-
GEM

GEM ROM. FERDINANDVM IN SIGNIS
INGRAVESCENTE ÆTATE CVM DIV
MVLTVMQ. PODAGRA CONFLICTA-
TVS HÆRETICIS ETIAM AFFECTA VA-
LETVDINE FORMIDABILIS POST DIV-
TVRNOS DOLORES DISSOLVI A COR-
PORE ET VIVERE CVM CHRISTO CV-
PIENS MAGNO SVI APVD OMNES DE-
SIDERIO RELICTO DECESSIT AN.
DOM. M.D. LXII. DIE IX. MENSIS IVLII.
ÆTATIS SVÆ LV.



ADAMVS KONARSKI.

Istis funebribus Andreæ Czarnkovvio
Episcopo de more persolutis hoc eodē
Anno M. D. LXII. ad nominationem
Sigismundi Augusti Poloniae Regis, per vniuer-
sale Capitulum, electus est in Episcopum Posna-
niensem R. D. Adam Konarski, Præpolicus Po-
snaniens. & Canonicus Cracouiens. & quidem ab-
sens cū in Regno Neapolitano, legatione per-
funderetur. Hic è nobili & vetusta Habdankorū
gente, patre Georgio Konarski, Palatino Calis-
siens. natus, ingenuè & liberaliter educatus, litte-
risq;

risq; humanioribus benè instructus, ingenij felicitate, morumq; elegantia, magnum sibi nomen in aula Regia comparauit. Quamobrem à Rege



Sigismundo Augusto ad Paulum 1111. Pontificem Maximum primùm, deinde ad successorem eius PIVM 1111. Orator designatus, obedientiam Regis nomine, maxima cum dignitate illi detulit. Deinde secundò in Italiã missus, cùm apud Philippi Catholici Hispaniarũ Regis in Regno Neapolitano

politano ministros, negotia tractaret, & recuperationem bonorum mobilium, post obitum Bonæ Reginae relictorum, vrgeret, accepto de sua electione nuntio, eam Pontificis Max. auctoritate confirmari obtinuit: ibidemq; in Vrbe ordinatus & consecratus, ab Episcopatu tantisper ab esse coactus est, dum negotia, quæ propter difficultates non exiguam temporis moram deposcebant, ad optatum exitum deduceret. Quod diligentia, & in rebus gerendis insigni dexteritate postmodum, magna cum sui nominis gloria, perfecit, ingenti auri argentiq; signati summa, ac preciosa Regiaq; suppellectili recuperata. Rebus itaque feliciter confectis, in Poloniam redijt: & Varſauia primùm, deinde Parcouia in Comitij Regni generalibus, Legationis suæ summam Sigilmundo Augusto Regi exposuit, thesauros recuperatos tradidit, ac productis Rationum codicillis, perq; Regiam Maiestatem approbatis, sibi ac posteritati de perpetua securitate prouidit. His curis eliberatus, curato aliquantulum in Cyazym ex triennialibus continuis laboribus ægro corpore, ad pastorem suam vocatione conuersus, diu desideratam suo gregi praesentiam exhibuit: & ex villa sua Glusyna, die 30. Augusti Anno Dñi M. D. Lx1111. post Nominationem ad Episcopatum, secundo, Posnaniam feliciter, splendide ac sumptuose

ptuosè ingressus, publicaq; omnium gratulatione solenniter exceptus est, patre Palatino sene, apud Diuæ Barbaræ ædem, filio Episcopo (quæ rara felicitas est) occurrente, & in amplexus eius cum ingenti lætitia, ruente. In specula domus Domini constitutus, piorum & Doctorum virorum consuetudine libenter utebatur: & sponsam suam Ecclesiam sæpius visitans, quæ ad eius curam & decorè pertinebant, sollicitè procurabat. Splendorem Pontificia maiestate dignum, in domo, mensa, habituq; exteriori conseruabat: inter hæc omnibus affabilis, magis amari quàm timeri à populis sibi subiectis exoptans. Hosium Cardinalem, sanctitatis, & eruditionis eius non vana opinione commotus, singulari veneratione prosequebatur: per litteras læpissimè de ijs, quæ ad iuuantam Ecclesiam & Remp. pertinebant, cum eo conferebat: ex industria etiam ad eum salutandum, paucis comitatus, & habitu incognito in Prusiam excurrit, vt Collegium Societati IESV, quod Brunsbergæ primùm laudatiss. ille Cardinalis crexerat, perlustraret; ad cuius exemplar ipse quoq; suum Posnaniense, quod iam animo conceperat, formare posset: quod paucis pòst annis egregiè præstitit, insigni Patrū contubernio apud Ecclesiam Diui Stanislai excitato & dorato: vnde vberimus ad totā Maioris Poloniæ prouinciam fructus

fructus redundauit. Nam & Clerus ad vitæ integritatem, & iuuentus ad optimarum disciplinarum studium, & populus ad Diuini & Sacramentorum frequentationem, est reuocatus: quibus rebus effectum, & maior indies à Sathanæ Synagoga, ad fidei Catholicæ vnitatem defectio fieret, & maximo cum religionis augmento etiam nunc fiat. Sigismundo Augusto Rege mortuo cum Henricus Valesius Andegauentium Dux, Caroli ix. Galliarum Regis frater, in Regem Poloniæ electus esset, ad eum in Regnū adducendum, Conarius Episcopus Princeps legationis, duodecim alijs magnatib; illi adiunctis, designatus est: quod munus in Gallijs, summa cum nominis Poloni gloria ac dignitate sustinuit. In oppugnāda etiam ibidem impia Hæreticorum Confæderatione, quam iuramento noui Regis aduersa factio confirmari petebat, magnanimum, intrepidum, & qualem Episcopum Catholicum fieri decebat, se præstitit. In reditu cum bonā argenteæ & domesticæ suppellectilis partem, cum familia præmisisset, eam per prædones publicos direptam, apud Abbatiam Fuldensensem in Germania amisit: quod damnum excelso animo patienter tulit, & Reip. condonauit. Henricum Regem in Poloniam aduenientem, in oppido Bucouienti primùm, deindè Posnaniæ splendide excepit, & lautilsimè tractauit.

Cæterum cum natura non satis firma esset valetudine, eam legationibus hisce, præsertim Gallica iniquissimo animi tempore peracta, penitus fregit & labefactavit; maximè verò in Comitibus Cracoviensibus, quæ coronando Regi paulò post coacta fuerant, varijs curarum & conturbationum molestijs agitatus, in morbum incidit: quo vario & multiplici diu conflictatus, febris deinde quartana exceptus, indies magis ac magis viribus destitui cœpit. Henrico Rege in Gallias elapso, cum omnia in Regno sursum ac deorsum miscerentur, ne Reipub. periclitanti deesse videretur, exiguam valetudinis iacturam ducebat, dummodo aliqua ratione patriæ salutem repræsentare posset. Quamobrem ad Conuocationem Varsaviens. quæ circa festum S. Bartholomæi indicta fuerat, corpore valdè debili profectus, commotione morbum ita auxit & exacerbavit, ut in medio itinere coactus fuerit hærere: ac cum vi morbi sæuiente, neq; progredi, neq; regredi posset, tandem vix in lecto Cyazemiam comportatus, non ita multò post, propter summam ventris intemperiem, & caloris debilitatem corpore extenuato, exhausto, nec amplius vim febris sustinere, oppressus Spiritum Dño reddidit, Calendis Decembris Anno Dñi M. D. LXXIII. cum in Episcopatu annos tredecim laudabiliter exegisset. Corpus

Posna-

Posnaniam insequenti Anno M. D. LXXV. die xvii. Ianuarij delatum, in Cathedralis Ecclesiæ Sacello, quod iuxta portam Meridionalem, in ordine secundum, Groditionum vocatur, honorificè marmoreo tumulo conditum est. Cuius animæ DEVS Omnipotens misereatur.

In monumento talis est inscriptio;

REVERENDO DOMINO ADAM KO-
VARSKI DE KOBELINO GENTIS AB-
DANKO EPISCOPO POSNANIENSI SENA-
TORI OPTIMO REIPVB. AMANTISSIMO
PIO PROBO CONSTANTI INTEGRO DOCTO
MANSVETO ALIISQVE VIRTVTIBVS AP-
PRIME EXCVLTO VARIIS AC DIFFICILI-
BUS REGNI LEGATIONIBVS APVD MO-
NARCHAS ET PRINCIPES EVROPÆOS SVM-
MA CVM LAVDE FVNCTO CELEBERRI-
MOQVE IESVITARVM CONTVBERNIO PO-
SNANIÆ EXSTRVCTO AC DOTATO DE-
NIQVE ACCERSENDI ET DEDVCENDI RE-
GIS HENRICI INTER COLLEGAS PRIN-
CIPEM LOCVM SORTITO CHARISSIMÆ
TANDEM PATRIÆ PERICLITANTI ET RE-
LIGIONI NVTANTI IN COMITIIS VAR-
SCHAVIENSIBVS OPEM FERRE ACCE-
LERANTI IN ITINERE FEBRI ACVTA
CIAZIMI CALENDIS DECEMBRIS. AN-
DOM: M.D. LXXIII. EPISCOPATVS SVI XIII.
EXSTINCTO ANTISTITI SVO EX PRÆSCRI-
PTO CONDICILLORVM.

LVCAS A KOSCYLEC.



Propter interregnum, quod post inopinatū abitū Henrici Regis in Gallias, Polonorum rationes perturbatas reddiderat, Polnaniensis Ecclesia duobus ferē annis cum dimidio, caruit Episcopo. Anno tandem Dñi M.D. LXXVII. R. D. Lucas à Koscylec, gente Ogonczyk, ad nominationem Stephani Poloniae Regis, postulat⁹, & ex Premisliensi in Posnaniē. Episco-

Episcopatu translatus, die vi. Maij per Procuratores Ecclesiae possessionē adiit; deinde, eodē Anno, die xxi. Decemb. ipsemet Posnaniā nobilissimo comitatu stipatus, ingressus est. Inito Episcopatu, cū Hæretici, libros quosdā erroribus repletos, & typis Posnaniae excusos, palām spargere in vulgus cepissent; ipse Episcopus officio, nominiq; nobilissimæ familiae suæ, quæ ab Ecclesia denominatur, optimē respondens, huiusmodi pestiferos libros, in potestatem redactos publicē comburi fecit, typos abstulit, & in chalcographum seuerē animaduertit prohibitionē facta, ne simile quid in posterum aggredi, absque suo permisso tentaret. Stanislao de Gorka Palatino Posnaniensi absque heredibus defuncto, cū ad Czarnkouiōrum familiam bona illius deuenissent; & Hæretici Gorkanū palatium non procul ab Ecclesia Parochiali in Ciuitate Posnaniensi positum, in quo sua conuenticula per annos fere triginta peragebāt emere, & in Synagogam perpetuam stabiliēdam conuertere, modis omnibus allaborarent, occasione nefarij huius cœtus dissipandi nactus Episcopus, auctoritate sua impediuit, ne emptio huiusmodi, quæ Ecclesiae Dei plurimū incommodare posset, vnquam cōaleceret, deditq; operam, vt Senatus Polnaniensis, domo illa emptā publicum Urbis scandalum amoueret, conuentu impietatis in angulos

angulos vteriores commigrante. Paucis deinde annis interiectis, cum Episcopus aduersa semper valetudine conflictaretur, ex consilio medicorum ad Thermas Ioachimicas vel Bohemicas profectus, sanitati recuperandæ vacabat, quam cum loco meliore constitutam videret, Posnaniam reuersus est: vbi post quintum decimum reditus diem, Anno Domini M. D. XC. VII. in ipso S. Annæ festo aliâs xxvi. Iulij, Spiritum exhalauit; cum tri-duò antè post violētum iteratæ paralysis symptoma, loquelam & dextræ partis sensum amisisset. Nihilominus Sacramentis præsertim pœnitentiæ & extremæ Vnctionis quantum fieri potuit, procuratus, & ad deuotè moriendum à præsentibus Prælatis & religiosis quibusdam viris incitatus, satis euidentia deuoti ac præparati animi signa demonstrauit. Aderant enim circa agonem ipsius Reuerendi Dñi Iacobus Brzesnicki suffraganeus, Lucas Widzirzevvski Custos, Stanislaus Kluczevvski Canonicus, Albertus Emporinus S. Mariæ Magdalena Præpositus, duo itidem patres ex Societate, ac religiosus Frater Michaël ordinis Prædicatorum, Sacræ Theologiæ Doctor, familiaris eiusdem Confessarius, vnâ cum socio Monastererij Posnaniensis, morientem confirman-tes, ac continuis precibus ipsum adiuuantes.

Inscriptio

inscriptio super tabella argentea deaurata, in tum-
ba affixa huiusmodi est;


ILLVSTRI. AC. REVERENDIS: IN. CHRI-
STO. PATRI ET. DOMINO. LVCE. A. KO-
SCIELEC. EX. ANTIQVISSIMA. PROSA-
PIA. NATO. SINCERITATE. LIBERALITA-
TE. AC. INSIGNIB: SENATORIIS. VIRTU-
TIB: APVD. OMNES. PARITER PROBATIS-
SIMO. PIE. IN. CHRISTO. POST. PARALY-
SIS. ITERATVM. VIOLENTER. SYMPTOMA.
DEFVNCTO. DIE. XXVI. IVLII. SANCTÆ.
ANNÆ. DEIPARÆ. VIRGINIS. MATRIS.
SACRO. CIRCA. HORAM. XI. IOANNES.
KOSCIELECKI. EX. FRATRE. GERMANO.
STANISLAO. CASTELLANO. BIDGOSTI-
ENSI. NEPOS. PATRVO. BENE. MEREN-
TISSIMO. MOERENS. HOC. MONIMEN-
TVM. POSVIT. ANNO. M. D. XC. VII. VIXIT.
ANNOS. LVIII. MINVS. DIEBVS. XVI. PRÆ-
FVIT. ECCLESIAE. CATHED: ANNIS. XXI.
A. NOMINATIONE. SERENIS: REGIS
STEPHANI. PRO. COMITIIS. TORVNEN-
SIB: PARVM. NON. COMPLETIS. REQVIE-
SCAT. IN. SANCTA. PACE.



IOANNES X. TARNAVVSKI.

IOANNES eius nominis Decimus, Lu-
ca Koscieleccio in Episcopatu Posnani-
ensi successit. Qui ex antiquissima no-
bilissimaque Rolitarum gente, Petro
Vexillifero Lanciciensi natus, ac liberaliter edu-
catus,


catus, in Italiam profectus, ingenij præstantia, clarissimæ familiæ suæ decus ita propagauit; vt non



solùm à laudatissimo & sempiterna memoria digno Præsule Stanislao Carnkovvio (qui ex Cuiavutensi Episcopo, ad Archiepiscopatū Gnesnensem postea euectus, plurimùm Religioni Catholicæ & Reipublicæ Polonæ profuit) multùm diligeretur & promoueretur; sed etiam propter egregias animi dotes, Serenissimis Stephano Primo, & moderno

Sigismundo Tertio, Poloniæ Regibus, cū primis charus & acceptus esset. Dignitates deinde publicas capeffens, Secretarius Regius, Cancellariæ Regens, & paulò post Reuerendarius Regni factus, prudentiæ, integritatis, & in promerenda omnium beneuolentia laude singulari, ita excelluit, vt Alberto Baranouio ad Episcopatum Plocensem euecto, à Serenissimo Sigismundo Tertio Rege, in Procancellarij munere successor daretur: quod ille in magna temporum difficultate & varietate, mira dexteritate, feliciter administrauit, & eidem ad adeundam hæreditarij Sueciæ Regni possessionem profecto, præsens cum auctoritate adstitit. Vndè reuersus, Luca Koscielecio rebus humanis exempto, Polnaniensis Episcopus factus, officium boni pastoris sedulus obiuit, Ecclesiam Cathedralem multis in locis restaurauit; eius Chorum picturis exornauit. Palatium Episcopi vetustæ penè consumptum restituit, ædificijs auxit, & in meliorem formam redegit. Quibus operibus intentus, dum longè maiora meditatur, Hieronymo Rosrazevvio Anno Iubilei 1600. in Vrbe defuncto, ad Ecclesiam Vladislauensem transfertur. Postremò Stanislao Carnkovski Archiepiscopo Gnesnensi in senectute bona, Anno Dñi 1603. è viuis sublato, dum hæc in lucem edimus, in eius locum suffectus, ob maxi-


marum rerum vsum, Ecclesiæ Catholicæ zelum, & patriæ charitatem singularem, omnium bonorum spem, de se meritò conceptam auget, eum in hoc amplissimo & supremo Metropolitæ dignitatis gradu, Diuina vocatione constitutum, & primæ Sedis huius in Polonia præminentiam, & in Republica Primatis ac primi Principis auctoritatem & dignitatem ita conseruaturum; vt & Sacrosanctæ auitæ Religionis, & Reipublicæ pax & securitas, prudentissimis eius moderatissimisque consilijs integra conseruetur. Quod faxit ipse Deus æternus: qui principibus de bono publico sollicitis, optimas cogitationes immittere, & ad easdem perficiendas vires ac robur addere consuevit. Assumptus ad Ecclesiam Posnanensem, Anno 1597. Translatus ad Vladislauien. 1600. sedit annis tribus.



LAVRENTIVS II. GOSLICKI.

IOANNE Tarnavvski ex Posnanienti ad Vladislauensem Cathedram translato, Laurentius Goslicki, cùm antea Camenecensis esset, ex Episcopatu Premisliensi, quem pluribus annis, cùm Abbatia Mogilnensi, laudabiliter administravit, ad Ecclesiæ Posnanien-

inaniensis gubernacula pontificatus, eius pontificatum adiit, Anno Domini 1601. die 16. Iulij. Hic



ex vetusta Grimalitarum gente, quæ multos Clarissimos Reipublicæ Polonæ viros produxit, ortus, maiorum suorum præstantiam, in publicis priuatisque actionibus ita repræsentavit, vt Regibus & Principibus in Polonia viris meritò charissimus haberetur. Nam antequam ad Rempublicam accessisset, in omni scientiarum genere egregie ver-

gie venatus, comenptis de Optimo Senatore, ma-
 gno iudicio & eleganti stylo in Italia libris, omni-
 um oculos in se conuertit, viamq; sibi ad dignita-
 tes aperuit: & ad publica munia, Legationes, & ar-
 dua negotia obeunda vocatus, omnes Optimi Se-
 natoris partes ita persequitur, vt non minùs Eccle-
 sia pastorem vigilantissimum, quàm Respublica
 Procerem patriæ amantissimum, se nactam ma-
 gnoperè gaudeat & lætetur. Sed eius viuentis lau-
 des pluribus prosequi, cùm in omnium oculos
 quotidie incurrant, superuacaneū videtur. DEVS
 orandus est, vt tantum Pontificem, prudentia, in-
 tegritate, & auctoritate pollentem, ac pro
 Ecclesiæ & Regni Poloniae salute, inde-
 fesso studio, laborantem, diutissimè
 saluum & incolumem
 conseruet.


LAUS DEO TRINO
 ET VNI.



SERIES

SERIES ET SVCCESSIO EPI- SCOPORVM PONANIENSIVM.

- | | |
|---------------------------------------|--------------------------------|
| 1. I ORDANVS. | 30. Ioannts III. Dolivva. |
| 2. Timotheus. | 31. Ioannes II. |
| 3. Paulinus. | 32. Albertus Paluka. |
| 4. Benedictus I. | 33. Ioannes V. |
| 5. Marcellus. | 34. Nicolaus II. |
| 6. Theodorus. | 35. Nicolaus III. |
| 7. Dionysius. | 36. Ioannes VI. |
| 8. Laurentius I. | 37. Dobrogostius I. W idrz yok |
| 9. Martinus. | 38. Nicolus II. Kurovki. |
| 10. Boguphalus. | 39. Albertus II. Iastrzabiec. |
| 11. Pianus. | 40. Petrus II. VVysch. |
| 12. Stephanus. | 41. Andreas I. Liaskarz. |
| 13. Radyvanus. | 42. Miroslaus. |
| 14. Bernardus. | 43. Stanislaus Cyolek. |
| 15. Syvandoslaus. | 44. Andreas III. Bninski. |
| 16. Gernardus. | 45. Vriel de Gorka. |
| 17. Arnoldus. | 46. Ioannes VII. Ludbranski. |
| 18. Mrokotha. | 47. Petrus III. Tomicki. |
| 19. Philippus. | 48. Ioannes Latalski VIII. |
| 20. Paulus I. | 49. Ioannes IX. de Ducib. Lit |
| 21. Boguphalus II. | 50. Stanislaus II. Oleśnicki. |
| 22. Petrus I. | 51. Sebastianus Branicki. |
| 23. Boguphalus III. | 52. Paulus II. VVolski. |
| 24. Phalanta. | 53. Benedictus II. Isbinski. |
| 25. Nicolaus. | 54. Andreas IV. Czarnkovki. |
| 26. Ioannes I. VVyskoviec. | 55. Adamus Konarski. |
| 27. Ioan: II. Herbuth alias Gerbisch. | 56. Lucas à Koscieliec. |
| 28. Andreas I. | 57. Ioannes X. Tarnarvki. |
| 29. Domaratus. | 58. Laurentius II. Goslizki. |



GENERAL INDEX

ALPHABETICALLY

1. Adams, J. W.	21. Adams, J. W.
2. Adams, J. W.	22. Adams, J. W.
3. Adams, J. W.	23. Adams, J. W.
4. Adams, J. W.	24. Adams, J. W.
5. Adams, J. W.	25. Adams, J. W.
6. Adams, J. W.	26. Adams, J. W.
7. Adams, J. W.	27. Adams, J. W.
8. Adams, J. W.	28. Adams, J. W.
9. Adams, J. W.	29. Adams, J. W.
10. Adams, J. W.	30. Adams, J. W.
11. Adams, J. W.	31. Adams, J. W.
12. Adams, J. W.	32. Adams, J. W.
13. Adams, J. W.	33. Adams, J. W.
14. Adams, J. W.	34. Adams, J. W.
15. Adams, J. W.	35. Adams, J. W.
16. Adams, J. W.	36. Adams, J. W.
17. Adams, J. W.	37. Adams, J. W.
18. Adams, J. W.	38. Adams, J. W.
19. Adams, J. W.	39. Adams, J. W.
20. Adams, J. W.	40. Adams, J. W.
21. Adams, J. W.	41. Adams, J. W.
22. Adams, J. W.	42. Adams, J. W.
23. Adams, J. W.	43. Adams, J. W.
24. Adams, J. W.	44. Adams, J. W.
25. Adams, J. W.	45. Adams, J. W.
26. Adams, J. W.	46. Adams, J. W.
27. Adams, J. W.	47. Adams, J. W.
28. Adams, J. W.	48. Adams, J. W.
29. Adams, J. W.	49. Adams, J. W.
30. Adams, J. W.	50. Adams, J. W.
31. Adams, J. W.	51. Adams, J. W.
32. Adams, J. W.	52. Adams, J. W.
33. Adams, J. W.	53. Adams, J. W.
34. Adams, J. W.	54. Adams, J. W.
35. Adams, J. W.	55. Adams, J. W.
36. Adams, J. W.	56. Adams, J. W.
37. Adams, J. W.	57. Adams, J. W.
38. Adams, J. W.	58. Adams, J. W.
39. Adams, J. W.	59. Adams, J. W.
40. Adams, J. W.	60. Adams, J. W.
41. Adams, J. W.	61. Adams, J. W.
42. Adams, J. W.	62. Adams, J. W.
43. Adams, J. W.	63. Adams, J. W.
44. Adams, J. W.	64. Adams, J. W.
45. Adams, J. W.	65. Adams, J. W.
46. Adams, J. W.	66. Adams, J. W.
47. Adams, J. W.	67. Adams, J. W.
48. Adams, J. W.	68. Adams, J. W.
49. Adams, J. W.	69. Adams, J. W.
50. Adams, J. W.	70. Adams, J. W.
51. Adams, J. W.	71. Adams, J. W.
52. Adams, J. W.	72. Adams, J. W.
53. Adams, J. W.	73. Adams, J. W.
54. Adams, J. W.	74. Adams, J. W.
55. Adams, J. W.	75. Adams, J. W.
56. Adams, J. W.	76. Adams, J. W.
57. Adams, J. W.	77. Adams, J. W.
58. Adams, J. W.	78. Adams, J. W.
59. Adams, J. W.	79. Adams, J. W.
60. Adams, J. W.	80. Adams, J. W.
61. Adams, J. W.	81. Adams, J. W.
62. Adams, J. W.	82. Adams, J. W.
63. Adams, J. W.	83. Adams, J. W.
64. Adams, J. W.	84. Adams, J. W.
65. Adams, J. W.	85. Adams, J. W.
66. Adams, J. W.	86. Adams, J. W.
67. Adams, J. W.	87. Adams, J. W.
68. Adams, J. W.	88. Adams, J. W.
69. Adams, J. W.	89. Adams, J. W.
70. Adams, J. W.	90. Adams, J. W.
71. Adams, J. W.	91. Adams, J. W.
72. Adams, J. W.	92. Adams, J. W.
73. Adams, J. W.	93. Adams, J. W.
74. Adams, J. W.	94. Adams, J. W.
75. Adams, J. W.	95. Adams, J. W.
76. Adams, J. W.	96. Adams, J. W.
77. Adams, J. W.	97. Adams, J. W.
78. Adams, J. W.	98. Adams, J. W.
79. Adams, J. W.	99. Adams, J. W.
80. Adams, J. W.	100. Adams, J. W.

